


長沙縣志

20270113
38
部101



長沙縣志卷之二十七

列女一

婦人不幸以節著又不幸以烈傳與女子之未婚守貞皆乾坤正氣所鍾抑

朝廷所以激勵者至輯舊增新幾於冊不勝紀雖甘苦攸殊而靡他則一按時代先後分爲上下二卷李習之云賞一女而天下勸斯亦王化之大端也志列女舊小序

長沙縣志

卷之二十七

列女一

晉

尹虞二女虞以始興太守起兵討杜弼戰敗二女爲弼所獲并有國色弼將妻之女曰我父二千石終不能爲賊婦有死而已弼并害之

唐

歐陽詢妻徐氏唐書歐陽通傳通少孤母教以父書懼其情常遺錢使市父書通遂刻意模倣數年書亞於父號大小歐陽體

五代

廖匡齊母五代史齊戰死楚王希範遣使弔母謂使者曰廖氏三百口受王厚賜舉族效死未足以報況一子乎願無以

爲念王賢之厚恤其家

按匡齊母史未詳其姓氏舊志繫母於子今仍之

周行逢妻嚴氏行逢性勇敢果於殺戮嚴氏諫曰人有善惡安得一概殺之行逢怒曰此外事婦人何用知嚴給曰家田佃戶以公貴頗不力農多恃勢侵民請往視之至則營居以老歲時以青衣押佃戶送租入城行逢就見勞之曰吾貴已夫人何自苦婦曰公思作戶長時平民租後時常苦鞭扑今貴亦宜先輸爲眾倡安得遂忘隴畝閒乎行逢令羣妾強舁擁入肩輿卒不肯畱曰公用法嚴易失人心一旦禍起田閒易逃死耳行逢爲少損其威

按周行逢宜入常德府志舊志載入長沙今姑從之

宋

長沙縣志

卷之二十七

列女一

二

孫景修母熊氏通志修少孤母固知書教之卒業眞宗咸平舉進士至太常少卿老而念母之心不忘爲賢母錄

胥氏三節婦胥偃妻刁氏元衡妻韓氏茂諶妻謝氏皆寡居丹陽閨門有法

向薊林妾某氏府志馬友犯長沙薊林兵潰遇友別將方舟而來指求薊林妾妾給賊曰必欲我當以車馬來賊許之旣渡望賊舟不遠躍水死賊相顧不發薊林得乘閒去

按通志載晉時人

趙淮妾逸其姓氏德祐中從淮戍銀杏壩淮兵敗俱執至瓜州元帥阿朮使淮招李庭芝淮佯諾至揚城下乃大呼曰李庭芝男子死耳母降也元帥怒殺之棄屍江濱妾俘入焦僉

省帳下告曰妾趙四知府婢子望相公許妾將屍焚化焦許焉乃至江上聚薪焚淮骨置瓦缶中自抱持操小舟至急流慟哭躍水死

按趙淮妾府志載善化人

又案趙淮係衡山人舊志載入長沙今姑從之

元

虞汲妻楊氏生子集宋末兵亂挈家奔嶺外無書可攜母口授集左傳歐蘇文輒成誦及還長沙則已盡通諸書大義集文章名世皆由母訓云

明

庠生陳維屏

通志作繼屏

妻楊氏衛人年十七歸陳僅數月夫卒

斷髮翦指守節五十餘載雖老亦幽居自處家人親族罕見

長沙縣志

卷之二十七

列女一

三

其面撫姪爲嗣教以義方得游上庠知府蔣宏德推官翟台賜匾旌之

韓學文嫡母戴氏生母朱氏韓世襲長沙衛指揮父沒有人謀奪其職戴以妾朱氏有遺腹白之太守及學文生戴與朱三人相依比壯母教之學登萬曆壬辰武進士歷任掘溝守備二氏俱未蒙旌

吳道東妻陳氏衛人年十六歸吳生子景朝五年而寡孤孀苦節敬事翁姑鞠育幼穉艱難百折厥志不回訓子仰承家業歷四十餘年如一日紳士呈請當事旌表之

庠生張大鑛妻任氏年二十一歲生一子用廣而夫歿苦志守節父母憐其年少欲奪其志泣對曰兒不卽從夫地下者

以有遺孤也婦人從一而終豈有他志依夫兄大銀姒趙氏居不御膏沐不踰閫闥四十餘年卒年六十有二

貢生熊引誥妻吳氏夫故氏年二十教子鳳珪以文名氏守苦節蕉園梅湖代續書香氏之力也

衛舍生彭玉鳳妻范氏妾魏氏玉鳳歿時范氏年三十魏氏年十九皆矢志守節清操凜然嫡庶同心備嘗艱苦魏氏一子名仲棖號竹軒年十六輪推督運過洞庭遭風覆舟總督提問以傾糧誤公下獄擬重刑范氏奔至武昌呈救辭旨悽惻哀音動人卒脫其子於難范氏卒年八十魏氏卒年七十八國朝同治四年十世孫申甫呈請具題建坊入祠

梁氏三貞女嘉靖時人五姑名妙真九姑名妙烈梁觀峯女

三姑名善果觀峯兄壽野女皆守貞不字門庭嚴整外言不入篤孝愛勤紡績爲父母營冢壙族之貧者多仰給焉三女皆卒於萬曆中妙真壽七十二歲妙烈壽六十一歲善果壽未詳今潘家衝梁氏宗祠後有三女墓云

常氏二貞女嘉靖時人常澤之第三女第六女也澤無子二貞女念父母老而無依姊妹同心守貞不字力勤女工終養父母鍼黹所積建橋梁於大賢都一甲名曰之子橋今尙存三姑卒年六十九六姑卒年七十

常崇孔妻義婦趙氏崇禎末獻賊陷長沙執崇孔之兄仁孔欲斷其手崇孔請代賊遂斷崇孔右手賊退後左兵騷擾湖南執崇孔欲斷其左手趙氏請代遂斷手以死崇孔義之不

復娶

駱文吾妻車氏癸未冬避兵天井廟郭家衝爲兵所執以刃加氏頸迫言夫匿所氏佯諾引至油鋪橋投水死除夕獲其屍面如生其二子似麟化麟書香奕世焉

庠生黎天竣妻王氏庠生謝三達

府志作蔡三達

妻趙氏崇禎末賊

兵沿鄉肆虐二氏同匿箐中俱被執逼首其夫匿處二氏誓死不言同斃刃下兩生竟脫於難

庠生謝三台妻王氏住天井廟生子女共五人三台妹適葉某崇禎癸未依兄嫂避亂聞左兵淫掠三台與妹及妻子女用繩連繫同投港中死

庠生汪

通志作王

醇字繼室郭氏年二十夫死守志子庠生以程

長沙縣志

卷之二十七

列女一

五

崇禎癸未避亂山中爲兵所執郭懼不免投楓樹渡口水巾死時兵驅以程至王家坪河知母溺亦赴水死距母死所約五里後數日家人覓屍母子挽手不脫容貌若生人嗟異之同葬河澗

按通志郭氏善化人查節孝祠設牌致祭仍之

貢生周文宇妻馬氏教諭周繼聖母也性貞淑嫻大義獻賊破長沙迫繼聖出馬氏泣諭曰汝祖母年老宜奉以遠避我婦人耳義當以諸媳守死賊招聖不出因縛馬氏并聖妻吳氏以脇之馬氏顧曰我等至此惟有一死義不受污賊怒殺之吳氏罵賊益厲又殺之同時被執者聖弟繼珩妻項氏繼隨妻陳氏皆不屈死知縣吳應恂爲具詳請題因兵亂未果

銘其墓曰

湘之游屈賈古義滿界倏為女來貴鄉作周母辭繁華茹荼苦天網缺畱丹補億斯年環龍虎

周冲元妻李氏勤儉慈孝佐夫勤施不懈獻賊躡長沙周姓以不屈受禍尤酷賊至氏匿深室聞執冲元氏驚號挺身出請代夫死賊駢繫至土門橋氏哀請釋夫賊乃縱元去氏度夫去已遠乃罵賊死 國朝嘉慶十五年題請建坊設牌節孝祠

國朝

順治十二年題准各直省孝子順孫義夫節婦各該督撫於

長沙縣志

卷之二十七

列女一

六

每年十二月照例確實具奏禮部核實分別題請旌表

康熙三十五年題准節婦自三十歲以內守節至五十歲即行旌表過五十歲者將遲延緣由報部

五十二年覆准民間貞女未婚聞訃矢志守節舅姑堅拒其侍養絕食自盡照例旌表

五十四年覆准孀婦撫子守志因親屬逼嫁投繯原非激烈輕生照五十二年貞女例旌表

雍正元年

恩詔內開一旌表節義乃彰善大典每見直省地方有力之家尙能上達而鄉村貧窶之人則多湮沒無聞深可憫惻著督撫學臣及有司遞加採訪務使苦寒守節之家同沾恩澤至節婦年逾四十

而身故計其守節已歷十五載以上者亦應酌量旌獎著該部議
奏一旌表節義給銀建坊民間往往視爲具文未曾建立恐日久
仍至泯沒不能使民間有所觀感著於地方公所設立祠宇將前
後忠孝節義之人俱標姓氏於其中已故者設牌立於祠中祭祀
用以闡幽而垂永久又奉

上諭致治之要首在風化移風易俗莫先於鼓勵良善使人人知彝
倫天則之爲重忠孝廉節之宜敦古聖王勞來匡直所以納民於
軌物者舍是無由也朝廷每遇覃恩詔款內必有旌表孝義貞節
之條實係鉅典邇來直省大吏往往視爲具文并未廣諮遠訪祇
將有力之家囑託賂遺者漫憑郡縣監司之申詳卽爲題請建坊
而山村僻壤貧苦耕織之人或菽水養親天性篤孝或柏舟矢志
長沙縣志 卷之二十七 列女一
七
之死靡他鄉鄰嗟歎爲可欽而姓氏不傳於城邑幽光湮鬱潛德
消沈者何可勝數爾部卽行傳諭督撫學政諸臣嗣後務令各屬
加意搜羅阻抑勿以富家巨族而濫爲表揚以副朕成俗化民實
心彰善至意

雍正三年奉

上諭治道莫尙於風化而節行實爲風化之首故旌揚盛典歷代崇
之凡以闡幽光而彰至教也朕卽位以來拳拳以敦教化勵風俗
爲務恩詔中敕令旌表節義使寒苦守節之家均沾恩澤嗣又頒
發諭旨至再至三誠欲地方有司加意採訪俾深山窮谷之中側
微幽隱無一不大顯於斯世也但每見直省舉報節行俱係民間
婦女而營伍中人絕少夫海內營伍中矢志勵操艱苦備嘗以完

節行者斷不乏人向來罕聞舉報豈以旌典例由生員具呈教官具結而教官生員與兵丁聲氣渺不相通無由真知灼見故舉報寥寥耳朕於兵丁一視同仁而兵之與民其秉彝好德之心濯磨激勸之道又未嘗有二乃營伍中節烈或竟湮沒不彰朕甚憫焉夫儒生與戎伍既恐聲氣不接而風化之原要未有不起於學校者必如何而使兵民一體凡營伍中節行貞烈之婦女盡得舉報不敢冒濫亦不敢隱漏向來湮鬱未著之幽芳并邀國家旌揚之盛典著九卿等詳議具奏以副朕廣勵風節至意

雍正六年奉

上

諭覽福建巡撫常賚奏稱羅源孝子李盛山割肝救其母病母病

愈後李盛山傷重身故請加旌表部議以割肝乃小民輕生愚孝

長沙縣志

卷之二十七

列女一

八

向無旌表之例應不淮行朕念割肝療疾事雖不經而其迫切救母之心實屬難得深可憐憫已加恩准其旌表矣嘗讀韓愈之文曰母疾則止於烹粉藥石以爲事未聞毀傷肢體以爲養苟不傷於義則聖賢當先眾而爲之矣又讀朱子書曰割股固自不是若誠心爲之不求人知亦庶幾今乃有以此要譽者是先儒論此者屢矣本朝順治年閒定例割股或致傷生臥冰或致凍死恐民倣效不准旌表伏思我

世祖章皇帝

聖祖仁皇帝臨御萬方立教明倫與人爲善而於此例慎予旌表者誠乃天地好生之盛心聖人覺世之至道視人命爲至重不可以愚昧而誤戕念孝道爲至宏不可以毀傷爲正理立法垂訓實有

深意存焉但向來地方有司未嘗以聖賢經常之道與國家愛養之心明白曉諭開導編氓是以愚夫愚婦救親而捐軀殉夫而殞命者往往有之既有其事若不予以旌表恐無以彰其苦志而慰其幽魂所以數十年來雖定不予旌表之例而仍許其奏聞且有邀恩於常格之外者仰見

聖祖仁皇帝哀矜下民之

聖心固如是之周詳而委曲也孝經曰身體髮膚受之父母不敢毀傷孝之始也孟子曰事孰爲大事親爲大守孰爲大守身爲大此皆言人子一身乃父母之遺體雖一髮一指不可偶有虧損以傷父母之所貽也孔子曰父母惟其疾之憂蓋父母愛子之心無所不至偶有疾病尙以爲憂設有不肖忤逆之子父母且恕而矜之

長沙縣志

卷之二十七

列女一

九

若純孝之子則父母之憐愛又當何如也若以己身患病之故致其子割肝肉以充飲饌和湯藥縱其子無恙父母之心斷無不驚憂慘惕不安之理也況因此而致於傷生又豈父母所忍聞者乎夫父母有疾固人子所當盡心竭力之時而孝道多端實不容劾命捐軀於一節孔子曰生事之以禮死葬之以禮祭之以禮是人子生孺慕之誠原通百年而無閒者也人子一身承先啟後負荷甚鉅若舍生殞命於倉卒之間而忘宗祀繼續之重恐非所以爲孝也況人子於親本乎天性儻能盡至誠純孝之實則親病雖篤呼籲請禱力省一身之過誓願爲一正人如此感天地動鬼神何須割肝剖股以爲回生之良劑乎家庭之行惟在至誠至敬善體親心不必以驚世駭俗之爲著奇於日用倫常之外也至若婦人從

一之義醮而不改乃天下之正道而其間烈婦節婦亦有不同者烈婦以死殉夫慷慨相從於地下固爲人所難能然烈婦難而節婦尤難蓋從死者取決於一時而守貞者必歷夫永久從死者致命而遂已守貞者備嘗其艱難且烈婦之殉節捐軀其間情事亦有不同者或迫於貧窶而寡自全之計或出於憤激而不服爲日後之思不知夫亡之後婦職之當盡者更多上有翁姑則當奉養以代爲子之道下有後嗣則當教育以代爲父之道他如修治墳墓經理家業其事難以悉數安得以一死畢其責乎是以節婦之旌表載在典章而烈婦不在定例之內者誠以烈婦捐生與割肝剖股之愚孝其事相類假若倣倣者多則戕生者眾爲上者之所不忍也向來未曾通行曉諭朕今特頒諭旨著地方有司廣爲宣

布務期僻壤荒村家諭戶曉俾愚民咸知孝子節婦自有常經而保全生命實爲正理則倫常之地皆合中庸不負國家教養矜全之德矣儻訓諭之後仍有不愛軀命蹈於危亡者朕亦不極加旌表以成閭閻激烈之風長愚民輕生之習思之思之

乾隆元年覆准將一應例合旌表之節婦并貞女孝子令本家開載事實具呈并飭鄉鄰族長於具呈之日一併據實投遞甘結該州縣該學查得事實確據卽行加結詳報該督撫學政確核存案據實彙題毋庸往返駁詰致滋弊端至給發坊銀之處亦應如該御史所奏務令本家具領當堂驗發不經吏役之手如此則潛德幽光不致湮沒而旌揚盛典無復遺漏矣十五年禮部覆准旌表節孝請令直省督撫飭地方

有司實心體訪詢於學校詢於輿論如係夫亡守志舅姑年老無依婦兼子職奉養終身或宗祧所係藐孤煢子撫育有成以綿嗣續或外迫強暴毀形見志事近捐軀終保貞潔或境處單微甘心荼蓼饑寒并迫秉節愈堅如斯之類孝義兼全阨窮堪憫允宜亟爲表彰具結詳報督撫學臣秉公確查彙疏題請旌表給銀建坊沒後置主祠內以光俎豆其在荒村僻壤孤苦單寒舉報無力易至湮沒者尤宜搜訪詳報以昭顯微闡幽之義至於尋常守節既經年例相符應令地方官於本家呈報之時核實詳明督撫學臣酌量給匾嘉獎附疏彙題仍於祠內統建一碑鐫刻姓氏載入本州縣志毋庸特與建坊設位奉祀

又禮部覆准尋常節婦給匾

欽定清標彤管四字行文各省一體遵照

中書趙而忤妻汪氏年二十餘夫沒流寓維揚家道中落毀容守節茹素三十餘年收殘書教遺孤永懷成名

趙正拔妻屈氏生子希盛二十一歲夫故矢志完貞卒年六十歲

孫德宏妻梁氏年十六歸孫二十四夫沒氏撫育二子勤於

教訓子賦入庠督學倪國連錫以匾曰冰霜砥節

按德宏善化人因梁

氏母家係長沙人故舊志錄之

孫貴光妻余氏年二十八而寡奉老姑育孤子苦節三十八年卒年六十六

庠生李枝芳妻黎氏年二十夫故養姑教子始終一節雍正六年題請建坊

李生茂妻陳氏年二十七夫故家貧無地可厝攜孤子臥柩下悲號三年竭力經營乃得兆域紡績艱辛撫孤成立乾隆二年題請建坊

李斐文妻柳氏年二十六夫故家貧氏茹荼嘗蓼愁容慘色未嘗一日舒也苦節五十七年乾隆九年題請建坊

李年馥妻張氏善邑貢生張茹女年二十五夫故氏奉姑以孝稱性仁厚樂施還券蠲租鄉里多受其賜子光榮光衍孫培策等俱列黌序氏之教也壽七十一歲乾隆十一年題請建坊小東街

李宣熾妻金氏年二十八夫喪無子僅兩女撫姪之垣爲嗣祖姑慕容氏年百歲氏承事數十載竭力扶持以孝稱卒年六十七

廩生李應銓妻魏氏銓嗜學讀書山寺一日暴卒遺一子氏年二十九大慟投繯以姑救獲蘇終日編素奉姑維謹教子以義冰操二十載卒年五十

李載文妻柳氏年二十夫亡守節三十年盡瘁事親童僕少俊者俱遣令莊居嘗勉子還人遺金尤稱女宗

李載妻陳氏年二十夫故家無擔石氏茹苦自持撫二子以工作爲生理

李地樹妻劉氏年二十二夫沒奉養孀姑喪葬盡禮子元聰

甫三歲教讀有成苦志三十六年

李天儀妻桂氏年二十四夫沒遺腹一子晬日以痰疾頻危氏焚香泣禱而蘇至於成立人咸以爲貞誠所感

李爲楨妻陳氏年二十六夫卒堅守撫孤敬事舅姑及舅芳奇司鐸東安雖棗栗蔬菜必遣使先獻又貯穀周貧乏不責其息鄉鄰德之年五十卒

庠生李宏柱妻余氏年二十九夫故遺子聖權僅兩月事姑劉氏不懈撫孤成立守節數十年

李慶雲妻史氏

李時成妻孫氏歸李不數載成邁惡疾孫獨進藥餌扶持左右十年不懈成疾革謂孫曰我沒汝宜自計毋苦也孫以死

長沙縣志

卷之二十七

列女一

三

誓且泣成亦泣曰無繼嗣柰何時二兄皆獨子又鮮從兄弟不得已撫異姓子炤爲嗣未幾成卒孫年二十九貧苦守節教子成立長孫入泮卒年八十九羅尙書源漢立傳紀其事李年科妻袁氏年二十二守節子逢暢以疾卒媳黃氏亦冰霜自矢孫曾卓立

李萬育妻沈氏生二子育沒親老子幼以紡績針黹供朝夕守節十五年卒子俱入縣庠

李光典妻林氏年二十四典故事繼姑克孝教子成立八十八歲卒

李大鵬妻胡氏年二十七而寡教子有方督諸孫以勤卒年六十七

李光渤妻張氏年二十三夫故家貧撫孤侍繼姑備歷艱辛
次子娶而夭媳韓氏遺腹生一子苦守夫志與姑相依人稱
一門雙節

李都芸妻任氏年二十三芸沒矢志冰霜教孤列鬢序孫亦
繼美膠庠曾元繞膝五代同堂卒年八十二

李逢謨妻周氏年二十夫故事繼姑孝敬罔懈教子新萼不
少姑息

李洪九妻周氏生子文璟二十二歲夫故事姑孝訓子嚴

周正坎妻李氏年二十七夫故遺二子氏事翁姑備盡孝養
尤甘淡薄褰布釵荆清苦自若終身如一乾隆四年題請建
坊

庠生周世相妻梁氏年二十五喪夫嫠面泣血痛欲捐生遺
孤宗熙至十四歲復天氏撫屍痛幾絕撫胞姪宗羔爲嗣愁
容毅色節操凜凜

周世校妻易氏夫早天氏年十九誓以身殉姑覺得不死子
宗烈復早逝撫諸孫成立苦節三十餘年

周綏萬妻陳氏

周應鈞妻胡氏年二十二守節

太學生周官繼室劉氏勤儉慈孝年二十六官故訓子光達
入邑庠家素豐機杼中饋猶親自操作卒年六十六

周冠甲妻李氏年二十六甲故有遺腹哭請於姑立夫兄三
子大瑞爲後始殯越五月子大敬生李撫育均平延師教讀

皆列成均性仁惠每值歲荒出穀減糶一鄉德之子孫蕃衍
孫時若登甲子賢書卒年六十六

周翼翥妻蔡氏年二十四夫沒遺二子有勸其改嫁者厲色
拒之

周九道妻熊氏年二十五道卒奉祖姑及姑盡禮撫二子成
立卒年七十四

增生周光寶妻范氏寶垂危囑范曰爲我事父母教兒讀卽
我生矣范泣曰必不辱夫也時年二十三孝舅姑和妯娌周
恤鄰里教子一鳳貢明經候補訓導范年五十七卒

周良瀄妻羅氏年十六瀄就昏年餘娠子聞夫病篤往侍瀄
沒羅年十八矢志堅貞事姑維謹教遺孤以嚴遇歲歉減佃

長沙縣志

卷之二十七

列女一

五

租焚逋券

周大順妻楊氏生子未週順沒年未三十奉舅姑盡禮教子
成立

周時清妻楊氏生一子夫沒年二十五教子立槐列成均周
貧乏無吝色

周添益妻彭氏年二十七夫卒撫夫兄子魁五爲嗣析產僅
薄田二畝值歲歉擷野蔬與兒共飽易粟供高堂旣魁五受
室舉二孫魁又不祿彭與媳陳氏撫育二孫俱成立卒年九
十二

周興讓妻李氏年二十三夫故一子稚弱忍死守志侍祖翁
及翁一切盡禮曾元繞膝卒年七十五

周鳳集妻易氏生二子年二十四集故家赤貧勤紡績針黹
爲生活卒年六十二

周有篁妻閻氏翁克達宦廣東有篁卒父任所氏攜子鳴鐸
鳴邦鳴鑑扶柩歸葬矢志堅守時氏年二十有五鐸贅湘邑
龔氏甫一月而歿媳龔氏奔喪來歸遺腹生子亦勵清操氏
與寡媳相依辛苦持家

周元幹妻李氏年二十九夫故遺子二奉姑孝教子嚴

周塏妻陳氏年二十二夫故子光鑾年未一周柏舟自矢事
翁姑孝教子以嚴氏年六十有四嘉慶二年題請建坊

周俊甫妻黃氏年十九于歸甫一月俊甫隨伯父慎齋之直
隸柏鄉任踰年歿氏志節不移撫姪有孚嗣卒年六十歲

長沙縣志

卷之二十七

列女一

六

周鳳翥妻袁氏年二十三夫故敬事舅姑撫二子成立

吳用卜

通志府志
作卜用

妻蕭氏年二十五而寡家計貧窘事孀姑

撫弱稚百計撐持歷三十五年

吳廷試妻張氏年十八夫沒以死自誓因遺孕在身未卽捐
生後四月生子錫印茹荼紡績撫之成立卒年五十八

吳濂妻桂氏濂病設備湯藥咸資針黹典質及沒桂年二十
四貧苦終身乾隆三十年題請建坊

吳秀山妻徐氏生二子安烈安善年二十四夫故事翁盡婦
職教子成立守節四十九年卒年七十有三

吳宗柱妻常氏年二十二生子甫數月柱故毀容去飾事親
教子辛勤操作卒年五十三

吳勝萬妻余氏夫病革訣曰子冢子也僅一女若宗祧何奈涕泣曰當忍死待之時年二十三越八年夫弟舉次子承道告於宗祠立爲勝萬嗣後孫曾疊起列黌序貢成均性至孝翁年登大耋喪葬無違禮年八十八卒

太學生吳承顯妻馮氏年二十五顯亡子甫四歲課讀維嚴卒年五十七

太學生吳之禮妻饒氏年二十九夫故教子兼嚴慈孫列黌序

吳國麟妻劉氏年二十四守節

吳德基妻李氏生子二夫故時年二十一歲姑寡子弱氏仰事俯畜淑慎艱辛歷三十年如一日

長沙縣志

卷之二十七

列女一

七

吳興祥妻田氏年十八夫故無子撫姪隆榜嗣奉姑嫜親操作孫曾環立卒年七十八歲

吳安瀾妻余氏年二十六夫故矢志守節撫姪邦鵠爲嗣

鄭玉坦妻趙氏年二十六坦卒姑患癱疾侍奉維謹教子安仁入太學捐貲建貞姑橋卒年七十七

鄭祖訓妻蘇氏夫故蘇年二十三食貧紡績奉姑教子

鄭世鈺繼室王氏年二十一鈺故僅前妻一子教讀婚配視

同己出里中建金井石橋捐貲襄造子敦化列成均

州同鄭玉堦妻龍氏年二十六堦歿遺一子世梧甫十歲氏奉姑得歡心教子不姑息卒年六十八

王枚吉妻王氏孀居守志樂善好施捐入育嬰堂銀三百兩

穀一百三十石雍正十二年奉

旨旌獎

舊志誤載捐田二百畝今查王氏止捐銀穀其田畝乃王炳妻李氏所捐

庠生王早人妻李氏年二十五夫歿遺腹生子成華氏撫之成立性溫默家法嚴肅內外秩如數十年不出戶庭清操尤著卒年七十三

王文範妻唐氏年二十夫故無出撫姪教讀婚配如己出事翁姑孝敬守節數十年

王治妻朱氏年二十七夫歿一子用極國學生氏勤理家政人無閒言苦節數十年人咸稱之

王世則妻熊氏年十九夫沒子佐國學生亦早逝復撫諸孫熒熒苦節歷四十餘年

長沙縣志

卷之二十七

列女一

六

王文甲妻朱氏年二十六甲故訓子昭德入泮娶媳彭氏無子德故撫長房次子承祧姑媳均完苦節乾隆五十九年題請建坊

王任婉妻吳氏夫故時年二十一孝翁姑訓孤子孫曾繞膝卒年五十八

王士秀妻陳氏生子不育秀病篤氏知不起勸立姪宗器爲嗣不數月秀沒氏年二十九歲卒年六十六

王經略妻周氏年二十四夫歿矢志守節撫姪繼嗣太學生王澤妻鮑氏年二十適王結褵一月而夫歿矢志守

節撫姪承宗

王祖湘妻林氏年十九夫故守節

王秉國妻唐氏年二十九而寡善事舅姑教子名時名揚慈嚴兼至卒年七十歲

馮殿簡妻李氏年二十七夫歿遺腹一子家計蕭條祖翁及翁俱老氏躬親紡績百計撐持孝養不衰比歿棺斂盡禮撫育孤男教之成立里黨咸稱之

馮文合妾彭氏文合年四十無子彭十七歸馮越五年合病篤囑再醮彭指遺腹跪泣曰生男當撫孤生女誓守節合死三月生子世奇族有謀奪其志者彭佩刀拒之奉姑克孝事嫡盡禮乾隆三十年題請建坊彭性淡泊翁有遺田當均分彭念夫弟析耕久升合不取教子貢成均早卒孫東煦入泮東颺由歲貢選新甯訓導

長沙縣志

卷之二十七

列女一

九

馮光照妻陳氏二十三歲照歿遺腹生一子教之如法卒年五十有四

陳元越妻朱氏年二十四夫歿無嗣矢志守節六十五歲卒乾隆五年題請建坊於本婦墓前

廩生陳大德妻王氏生子雲鳳甫三歲夫歿氏年十九誓死守敬事舅姑教子成名鳳年三十二卒媳鄒氏與氏相依肅家法持門戶延師課子不許干與外事次子文輝入府庠鄒教之曰汝祖父積學力行皆不幸早逝光大在兒曹毋自畫也人稱兩世貞節云

陳雲鶴妻安氏生一子一女年二十夫歿苦節自守卒年五

十二

陳直士妻李氏年二十七夫歿事翁姑盡禮教養三子皆成立撫諸姪如己出產悉均分孫明燮入贅序卒年八十二
陳世忠妻楊氏年二十六夫亡撫二子婚教有成兩子繼亡
氏與孀媳蘇氏楊氏課諸孫耕讀里中有一門三節之稱
陳錦文妻王氏年二十四夫歿守節課子成立翁姑繼歿
產營葬家失火救夫遺文於烈燼中尤爲巾幗所僅見
陳光第妻周氏年二十二第沒子甫一齡教之成立
庠生陳先範妻蔣氏年二十二範歿忍死事舅姑繼姑教孤子成立

陳敦吉妻黃氏生四子年二十四夫故守節八十歲卒

陳掌禮妻周氏年二十四守節

長沙縣志

卷之二十七

列女一

三

陳天慰妻張氏年二十歲守節

陳文譔妻粟氏年三十譔外出粟奉養祖姑舅姑教子士珍入庠粟年六十五譔歿於外後粟七十四卒

陳輝益妻黃氏年二十七夫故遺子增典事翁姑克盡婦職氏疾革時以未終姑養椎胸涕泣卒年五十有二

陳德敦妻劉氏年二十八而寡矢志守節子孫成行

沈遠羔妻朱氏年二十七羔歿墜樓求殉不死遺腹生子撫之成立乾隆二十一年題請建坊

把總楊有德妻蕭氏年二十八夫故姑老子幼家無產業氏矢志守節躬織紝以奉甘旨教子成立婿任可鳳死女年二十氏命守節令其同居同食撫成二甥皆氏之力也雍正五

年題請建坊

楊啟富妻魏氏年二十三夫喪僅遺一子病篤氏詣宗堂泣禱曰我命可喪楊祀不可斬醫治獲蘇至今子孫成立卒能保存舊業卒年五十九

楊仍昂妻黃氏嫻內則敬事舅姑年二十五夫亡遺孤學倫及兩女皆幼氏終日杜門編衣疏食堅志撫孤兩女相繼亡學倫年二十亦死無嗣竟不獲收苦節之報

庠生楊馥安妻鍾氏性幽靜貞一年二十四夫歿誓以死守無子撫姪谷宗爲後家計窘迫紡績爲生父母諷之嫁氏曰吾守夫志非守夫產吾全吾節兼全夫宗玉潔冰清居蒲塘厯四十餘年遠近無閒言

長沙縣志

卷之二十七

列女一

三

楊永巒妻蘇氏年二十四夫故遺子紹悒甫二歲含哀撫鞠及長課讀極嚴卒能成立守節三十四年

楊維瓚妻劉氏年二十八夫卒苦志守節事姑張氏克盡孝道擄持家計延師課子兩列宮牆一領鄉薦

楊維邦妻劉氏年十九夫歿遺子永貽甫三歲氏性貞靜教子極嚴永貽年二十六復夭遺二子媳黃氏誓死守節姑媳相依教督兩子皆入庠人稱一門雙節

楊嗣潢妻孫氏年二十四夫歿遺孤大杞僅二歲家貧紡績爲生苦志數十年

楊永詔妻黃氏

增生楊和春妻陳氏年二十四和春故無子絕粒數日姑多

方理慰涕泣受命撫夫弟子鎰爲嗣奉姑維謹事無大小必稟命遇夫生忌辰致齋泣奠終身不改乾隆四十年題請建坊麻林橋北山宗祠之側

楊世燻妻周氏年二十二燻故敬事孀姑教子成立孫曾輩出乾隆五十九年題請建坊

楊鑑妻談氏年二十六鑑歿遺腹生一子誓死不二翁年八十以孝養事繼姑得其歡葬祭如禮卒年八十二

楊昭汜妻孫氏年二十一汜故無子撫姪承祧

楊德元妻陳氏元歿陳年二十二無子遺一女忽夭苦節二十餘年撫夫弟德中子詩琛承祀冰霜勵節

楊先會妻汪氏于歸一載會暴疾卒誓不變志無子撫夫兄

長沙縣志

卷之二十七

列女一

三

子承祧

楊錫輅妻黃氏年二十五輅故無子撫夫弟子爲嗣受室旋歿再撫夫弟子承祧

楊先宜妻劉氏年十七夫故遺腹生一子破屋數椽安貧守節

楊紹睽妻陳氏年二十二夫故長子方弱齡遺腹生次子勤儉居家不辭勞瘁曾元繞膝年八十有九五代同堂

楊先智妻董氏年二十三夫故父母憐其貧微諷之拔刀斷一指以誓親族皆爲咋舌

楊本仞妻張氏年二十四夫故遺一子氏奉親撫子備歷艱辛子又故率媳撫兩弱孫旣而長孫天媳隨故蕭騷白髮撫

稚孫成立受室抱重孫焉卒年八十三

楊枝幹妻周氏舉三子幹歿周年二十四順事舅姑鞠育孤子比鄰族戚無閒言卒年九十四

楊先侃妻陳氏年十七生一子甫數月而侃歿陳孝親育孤一身任之

楊延鎬妻袁氏鎬病危囑撫姪萬濟承祧及歿袁年二十一矢志守節教子成立

楊先彰妻李氏二十歲夫歿守節十五年卒

楊彩玉妻陳氏年二十一生子甫三月夫故氏奉孀姑教弱子井井有條子雲翼孫先揚并入成均卒年五十七歲

楊治松妻楊氏二十二歲夫故時一子甫三月二齡殤撫姪

長沙縣志

卷之二十七

列女一

三

宗熾嗣年二十一又亡氏與媳李氏鞠養遺孫國英曲盡劬勞

庠生朱華妻黃氏年二十九夫歿有二子踰年復喪其一氏撫幼子泣訓曰爾父以丙午鄉試客死省城遺言以功名未

就辜老父望爲恨繼志承先端賴後人願爾毋忘此言子道範感泣自奮家道聿興

朱紹伊妻姜氏生子嗣藹甫六月夫卒氏年二十躬紡績勤教讀爲其子婚娶子尋卒無嗣氏聚族公議以三房次子奇

琇爲嗣年六十八卒

朱理堅妻徐氏年二十四夫死遺腹生子原銓矢志靡他閨門整肅夫兄弟異居徐事舅姑盡禮訓銓甫成立而卒媳易

氏年二十四無子父以語探之易忿且泣曰易氏無再嫁女
撫姪諮漢承祧一切取法於姑徐之教也

朱杭山妻蕭氏夫歿年二十九訓長子列成均孫曾輩出

朱玉昭妻陳氏生二子不育年將三十而寡家貧立繼不就
既遣嫁兩女獨處四十餘年卒年七十三

太學生朱永江妻李氏年二十五而寡江弟永漢妻彭氏年
十九而寡李氏有二子彭氏無子撫李氏之子爲子承漢祀
妯娌同心奉養舅姑勤紡績以佐甘旨訓課孤子皆克成立
治家嚴而有法清操凜凜始終不渝人有一門雙節之稱
許光漢妻湯氏生二子年二十五漢歿湯養親訓子紡績操
持嘉慶十四年題請建坊

長沙縣志

卷之二十七

列女一

五

何靈長妻盛氏年二十八夫喪子三一子遺腹吳逆之變氏
隻身應差保全門戶繼姑喪目孝敬有加卒年七十有六

何名登妻王氏生子鼎夫故氏年二十有三矢志撫孤娶媳
李氏舉二孫李年二十七鼎歿姑媳松筠比貞後先濟美王
氏守節五十六年卒年七十九

張問仕妻王氏年二十六夫故家貧僅遺一子以紡績供姑
盤匱攜持家計備歷艱辛乾隆八年題請建坊

摺舊志載王問仕妻張氏查通志府志及請旌原卷實係
張問仕妻王氏今正之

此舊志原文所云舊志乃乾隆以前之舊志也

張維周妻徐氏年二十二維周歿徐矢志不二維弟臨周亦
早卒徐與弟吳氏奉尊撫子相依如兄弟乾隆十九年題請

建坊

張尙醇妻徐氏年二十四而寡家貧事舅姑備盡孝敬懿德著稱年九十卒計守節六十六年子孫曾元代代有入膠庠貢明經登賢書者道光十九年題請建坊

張尙聖妻李氏聖卒遺一子李年二十二撫孤守志事舅姑盡禮仲弟尙賢妻歐陽氏年十九夫故守節遺一子不祿弱孫二矢志彌堅卒年五十四歲季弟尙書妻金氏書歿遺一子金年二十二歲誓死靡他人稱一門三節

張之巍妻黃氏年二十七巍故家貧勤紡績典釵鬻衣供舅姑甘旨教子華嶽登賢書卒年七十歲

張祖培妻楊氏生一子年二十夫故翁姑相繼逝葬祭無違

長沙縣志

卷之二十七

列女一

三

禮撫子成立

張尙述妻趙氏工部尙書開心曾孫女年二十一夫故無子遺一女撫姪祈純爲嗣不異己出卒年八十六

張光大妻沈氏生二子年二十六夫歿矢志守節

張順昌妻馬氏生子家瑞夫故年二十有五矢志守節撫孤成立

張祈瑛妻蕭氏二十四歲而寡無子撫姪爲嗣澹泊持家堅貞砥節曾元繞膝五代同堂卒年八十六歲

太學生張開泮妻蕭氏年二十六夫病革撫嬰堂子名世楸夫歿遺腹生子世杰教養如一

曹開智妻孫氏年二十三夫故遺子一楹國學生冰操自矢

淑慎性成

曹繼承妻陳氏年二十七夫卒撫遺孤甘貧守節三十餘年
曹椿妻石氏年二十二椿故遺孤炳德訓之不少姑息入成
均鄉鄰有急令其子量力勸助甚多乾隆五十四年題請建
坊

曹開元妻孔氏年二十五夫故遺子幼姑遺痼疾四十餘年
臥牀不起孔孝事不懈

曹開道妻夏氏生子三年二十五而寡翁夙多疾湯藥必親
嘗教三子俱成立五代同堂

曹炳堂妻熊氏二十四歲守節

嚴久淇妻黃氏年二十四夫歿二子弱齡氏竭力營葬艱苦

長沙縣志

卷之二十七

列女一

三

磨折節操益堅督教二子皆成立

金玉輝妻程氏年二十九輝故遺二孤皆幼翁衰病奉湯藥
惟謹事繼姑以孝聞輝兄璧文夫婦早逝子繼亡婦改適遺
一孫年方五歲程憐其孤苦撫如己孫性甘淡泊好施濟居
恆禮法自持至老不懈乾隆甲戌年題請建坊新康市辛卯
科孫方世舉鄉魁戊戌援急公例

馳贈孺人

金榜楊妻袁氏生一子夫歿時年二十歲自矢守節卒年七
十二

金友達妻周氏年二十四而寡無子事舅姑十餘年不衰撫
姪宗謙爲嗣

庠生魏琰妻車氏年十八生子大基甫一歲琰故哀慟求死姑以撫孤泣勸承命鞠育未幾姑歿遺小叔五歲獨當大故殯葬如禮擗持門戶內外嚴肅延師教其叔與子俱成立卒年六十七乾隆五十七年題請建坊

魏世辰妻陳氏年二十八夫故守節

庠生陶玉堂妻王氏年二十八玉堂故無子撫姪祖繼寓巖於慈家貧奉舅姑必豐潔性勤苦年八十餘猶績嘗訓其孫曾曰兒輩讀書慎守先人貞白不則力田無他業也姻族稱之

陶祖倫妻何氏生二子述中述和年二十一倫故撫孤守志教子以義方鄰里困乏必賙恤之

長沙縣志

卷之二十七

列女一

七

姜春煥妻鮑氏生子數月煥歿時年十八守志撫孤教之成立

謝昌裔妻唐氏年二十九而寡夫弟欲奪其志氏誓死拒之家貧織紉自給二子亦負擔市門易升斗供子職雍正四年題請建坊

庠生謝翊遴妻陳氏衡州府學教授謝衍之媳也年二十六遴卒遺子世德苦志堅守敬事舅姑姑歿遺弱叔翊廷甫數月氏爲乳哺翊廷九歲復失怙一子一叔外患內憂獨力支撐同居數十年家貧日甚夫兄翊達邑廩生早喪妻雷氏相繼死氏殯葬之復爲孤姪經理家計艱苦備嘗毫無倦色壽

七十二

謝綸音妻劉氏年二十三夫歿遺孤四歲龔龔孀婦極力撐持門戶事姑數十年孝養不衰教子成立卒年七十六葬瓦店鋪邑庠生徐士範銘其墓曰清操冽冰雪浩氣耿精光谷山之墟于焉永藏孺人之形不可見孺人之跡久而彌芳

謝枝蕢妻蕭氏年二十五蕢歿遺孤永泰甫一歲忍死鞠育未幾翁茂及夫弟枝仁枝禮枝信枝萌繼亡數遭不造蕭典盡裙釵備喪葬時姑李年已六十憂慟成疾蕭竭力女紅資湯藥者二十四年姑以壽終初蕢弟枝禮舉一女欲溺之蕭攜歸撫育嫁如己女乾隆二十一年題請建坊

謝旬妻黃氏年二十八而寡遺孤宏本娶媳生孫甫三歲媳亡宏本尋卒母孫相依爲命家窘餽粥不繼氏以紡績助之

長沙縣志

卷之二十七

列女一

五

庠生喻世銓妻許氏年二十九守節

蘇良玉妻何氏年二十夫歿事姑撫子備極艱辛鄰人失火延燒將逼氏焚香籲天反風撲滅人咸異之

蘇潮誥妻楊氏二十三歲守節卒年五十五

蘇朝誠妻劉氏年二十九守節

范南懷妻劉氏年二十六夫喪遺子元春操持紡績教子以義方孝敬慈愛一方稱賢

范宗彝妻張氏

范萃山妻徐氏

彭連登妻易氏生子運升氏年二十一登歿誓以身殉舅姑勉以撫孤而止及升長列成均孫定楚亦入邑庠氏性喜施

與乾隆戊戌年五十子若孫將稱觴爲壽氏止之曰今歲歉但蠲諸佃戶租給貧人棉襖若干領壽我多矣升承母志費不下數千金後每值晉表之辰皆如之不以年豐而吝卒年七十有二嘉慶二十一年以孫定楚議敘守禦千總援例

賜贈宜人

彭椿妻謝氏年二十椿故無子矢志守節撫椿弟之子宗祥爲嗣孝事繼姑故繼姑輒稱謝氏婦賢訓子慈嚴兼至延師課讀諸姪皆賴以成立

彭萬成妻李氏年二十三成故敬事翁姑自甘儉薄教子嚴課讀列成均卒年七十五

彭國儲妻李氏年二十二守節

長沙縣志

卷之二十七

列女一

三

彭景山妻閔氏二十五歲守節

武舉馬略妻方氏年二十一略故守節十年卒

方文鳳妻何氏年十八夫故無子撫姪明忠爲嗣事繼姑張氏胡氏俱盡婦道

方治邦妻胡氏年二十六夫故守節撫姪承祧

任子元妻劉氏生二子夫故氏年二十八勵志守節事祖姑及舅姑無違禮孫有聲舉於鄉卒年九十歲

任均源妻廖氏夫失足溺死氏年二十五事翁盡道勛子有方

任均環妻羅氏二十六歲而寡季男有傳夫故三月始育撫養成人極盡勞瘁守節十八年卒

任光善妻楊氏夫幕遊閩省身故戚屬勸改醮楊矢志不二無子撫姪天運爲嗣

任有謙妻楊氏二十二歲守節

袁燕孟

府志通志俱作孟燕

妻徐氏秉性慈惠年二十四夫卒誓死守

節清操勤苦釋僕婢爲良者五存心積善教其子施棺槨修橋梁年五十卒長子善長早死媳甘氏亦苦節撫姪甫成立夫妻天逝又撫其二孤里人憐而敬之

袁尙志妻羅氏生子添秩羅年二十二志故羅忍死撫孤成立孫曾一堂壽九十一嘉慶八年題請建坊

袁潤道妻羅氏道故遺一子羅年二十四孝養雙親教子成立

長沙縣志

卷之二十七

列女一

三

袁又尹妻任氏生子重九年二十三而寡撫之成立卒年五十二歲

袁題署妻陳氏生子國琇年二十一而寡守節四十餘年

袁成煥妻毛氏年二十七夫故清操勵志備極艱辛一子天

撫姪洪坤洪澤嗣

柳申生妻彭氏年二十五夫亡一子兩女相繼夭歿氏矢志愈堅終身如一事舅姑以孝稱吳逆之變亂兵入室盡室驚竄氏扶姑匿深草中以身捍其外姑歿哭泣盡哀絕飲斷葷三年不懈人稱貞孝

明生員柳同一妻金氏年二十七生子甫八月夫亡食貧守志備歷艱辛教子鳳止

通志作舉

厚重端方名噪士林撫孤姪如

己出俾克成立鄰里有急氏雖不足必勉強周恤卒年六十

六雍正五年題請建坊

此條似宜附明末舊志載入國朝今姑從之

廩生柳世蕃繼室毛氏年二十八生二子而夫歿待其前妻二子如己出畢婚均產勤教讀凜然有丈夫風其仲子廷求入縣庠季子絮武舉孫先景入縣庠皆其教也

柳林生妻鄧氏幽閒貞靜年二十二夫歿操作辛勤孝姑教子卒年五十三

柳昌治妻伍氏年二十二夫亡苦節三十餘年孝事孀姑教二子慈而能嚴俾克成名

柳世楫妻周氏生二子長廷照次早夭周年二十五楫故順舅姑和妯娌訓子有方孫曾輩崢嶸頭角卒年八十四歲

長沙縣志

卷之二十七

列女一

三

柳先蓬妻杜氏年二十九蓬故遺腹生一子蓬嫡出姑先逝庶姑生二子翁析家產欲以半與杜氏子以半與庶出二子杜勸翁三股品分翁歿盡禮事庶姑若嫡姑家素豐操作不倦卒年八十

柳昌溶妻李氏生二子年二十五而寡事病姑四十年不少懈教子慈嚴并用卒年八十有二

柳昌杰繼室栗氏年二十二杰卒遺腹僅一女撫姪世縉承夫祀奉舅姑以孝教子嚴慈交致入縣庠卒年六十一

柳世玉妻胡氏玉歿年二十三無子擇姪廷傳承夫祀苦節三十七年卒

柳韶九妻鍾氏年二十六夫故食貧勵志訓子義方卒年九

十四

柳復極

原名世曠

妻周氏子一年二十八而寡卒年七十有六

史積芳妻潘氏年二十二芳歿事祖姑及舅姑奉養不衰教孤兒列成均卒年七十三

唐啟明妻陳氏生一子而夫歿氏年方二十撫藐孤成立未三十復卒媳王氏亦誓苦守氏鞠育諸孫與媳相依松筠之節老而彌堅

唐天錫妻陳氏年二十六夫故守節二十八年以壽終

唐振文妻呂氏年二十五無子夫歿時叔嬸先亡遺孤纔半歲氏養爲己子零丁孤苦行路感傷乾隆二十四年題請建坊

長沙縣志

卷之二十七

列女一

三

湯盛澤妻易氏生一子夭亡年二十二夫故遺腹生允敬苦節自甘家故貧敝衣糲食守節三十餘年

羅家棟妻李氏年十七適羅生一子源松二十五早寡矢志守節數十年如一日

羅如鑑妻甯氏年二十七夫喪子開運甫一歲家貧紡績自給每遇夫忌日生辰備生前嗜好以祭祭必哀母家問候絡繹終不親往或問之答曰我雖未讀書少時父親爲我講毛詩云女子有行遠父母兄弟況我孀婦何得往來外戚家苦節四十四年如一日年七十二卒開運邑庠生遵奉母教以敦謹聞

按羅如鑑府志載羅詮通志一載如鑑一載羅詮事實同

羅源洛妻屈氏年二十七洛故屈克承夫志甘淡泊奉翁姑
孝訓子懷遠食餼鬻宮卒年七十有三

羅達遠妻黃氏生一子達遠歿年二十四家貧姑命各爨
窘甚爲鄰婦紡績縫製衣履所得米掇野菜和粥稍有餘易
甘旨奉姑姑卒盡哀其孝行如此

羅尙深妻熊氏年二十四深故翁姑老二子幼稚資紡績以
佐饗飧艱辛萬狀卒年五十九

羅源泌妻李氏生子柄遠來遠二十四歲夫故事翁姑孝待
妯娌和卒年五十五歲

鄔昌伊妻黃氏敬事翁姑年二十夫故遺一女撫姪隆巡爲
嗣撐持家業孫曾繞膝猶勤紡績夫弟昌修妻汪氏幼嫻內

長沙縣志

卷之二十七

列女一

三

則秉性堅貞年十九而寡遺孤隆因弱齡撫教成立節儉好
施人稱一門雙節

常佑武妻張氏年二十八夫歿敬事翁姑撫遺孤恩勤鞠育
次子朝雋成諸生

常朝守妻彭氏連舉四子年二十四夫故守節卒年七十二
常輯五妻陶氏二十九歲守節

傅學訓妻馮氏年十九夫故撫姪賢德爲嗣乾隆十五年捐
田十四畝七分入育嬰堂

卞聞遠妻周氏年二十九遠歿一子三歲周訓課成立

康仁萬妻彭氏年二十五夫歿子二一夭勤苦操持

康自甯妻黃氏年二十九甯故矢志冰霜教子成立乾隆二

十一年題請建坊

伍相賢妻黎氏年二十六夫故撫孤成立守節數十年

余漪載妻蔣氏年二十九夫喪勤苦冰操教子成立一方稱賢

余開明妻易氏年二十一夫故遺孤來許矢節不二勤勞紡績孝事翁姑訓子列成均長孫晉蜚聲譽序卒年七十三
庠生余雲妻王氏二十四歲雲故無子苦志守節撫姪來傳承夫祀卒年八十六歲

州同余從遊繼室吳氏生子三遊歿年二十五育前妻二子如己子延師嚴課讀俱列成均

余萬育妻劉氏年二十四育歿遺一子教之成立孫藻列譽
長沙縣志 卷之二十七 列女一
序苦節四十七年卒

庠生余又賢妻黃氏賢卒黃年二十八遺一子殤氏慟幾絕越四年撫夫弟子士禮承夫祀既受室連舉兩孫不育禮年三十又天氏痛夫不祀越月卒年六十歲

余先謙妻饒氏生子登筌純年二十五夫故售遺田價銀半歸夫兄爲翁姑膳奉氏攜子寓母家翁旋歿夫兄繼亡氏迎姑供甘旨晝夜紡績不輟教三子成立卒年六十六歲

余懋胆妻廖氏年二十九而寡子二治家嚴而有法卒年六十九

余懋述妻陳氏生子二年二十四述故矢志柏舟操作辛勤歷二十年而歿

余士寬妻劉氏年二十六寬故遺一子茹苦含辛持家勤儉
卒年六十八

余士黽妻楊氏夫故年二十九無子撫姪開芸承祀教讀婚
配視如己出卒年七十五

余開穆妻涂氏年二十四夫故冰霜自勵勤苦儉約教育遺
孤卒年五十七

余來章妻胡氏年二十四夫故遺一子奉姑無違教子以義
卒年五十一

余世揚妻胡氏年二十六夫故無子撫姪宏嗣慈嚴互用卒
年七十四

余世屬妻周氏年二十九夫故遺子三教育兼盡卒年七十
長沙縣志

卷之二十七

列女一

七

余宏組繼室李氏年二十四夫故矢志守節撫前妻子與所
生子恩勤惟一澹泊自甘

黃自色妻王氏年二十七而寡艱苦守節事姑克孝撫子輩
教之成諸生卒年八十一雍正九年題請建坊

黃玉相妻周氏年二十三夫歿無子矢志靡他姑鄒氏年老
委曲承奉常含悲忍涕恐傷姑心翁以無子置妾氏待以禮
任勞茹苦饗飧不繼紡績以助撫堂姪孝繼爲嗣

黃金尙妻蕭氏年十八夫故無嗣氏撫姪二保承祀孀居三
十二載閨門清肅課子慇懃時天旱氏盡出所餘以周鄰族
鄉里咸稱曰貞節好義女君子

黃紹湯妻柳氏年二十九夫卒遺子松四歲氏與孀姑楊氏茹荼蓼勤紡績撐持家計教子成立守節四十三年

黃士遠妻朱氏年二十八歲生子二士遠故守節四十七年乾隆十八年題請建坊

黃紹昌妻徐氏年二十九昌故無子撫姪承祀家貧無產終身不渝乾隆十八年題請建坊

黃啟先妻常氏年二十夫歿子一齡撫之成立二孫俱早夭孫媳何氏常氏亦年少孀居矢志不二

黃成采妻陳氏生子瓚陳年二十一夫故矢志不渝奉事舅姑維謹嚴督孤子成立苦節十五年卒

黃承義妻曾氏年二十一義故長子甫三齡遺腹生次子事舅姑葬祭如禮教兩子皆成立曾元蕃衍五代同堂

長沙縣志

卷之二十七

列女一

三

太學生黃懷玉妻黃氏年二十八生子達四四十一日而夫歿氏事老姑撫弱子孝慈倍至孫立鵬入邑庠卒年八十歲黃宗鸞妻丁氏年二十一夫故矢志守節一子列成均

庠生蕭楷妻趙氏年二十六夫歿上事孀姑備極色養遺孤世京方三歲勤憫鞠育稍長命就外傳訓誨維殷弱冠入庠克紹先緒祖居學士橋橋久圯氏捐貲獨修紳士勒碑更名節義橋康熙四十八年題請建坊

蕭正偉妻余氏年二十八而寡守志六旬堅如一日諸子永朝輩能率母教皆成立

蕭正侯妻陳氏夫喪遺子未一月氏撫孤守節三十四年堅

操靡他

蕭明江妻羅氏幼失恃九歲適蕭十六成禮十九明江故僅一子良樹羅慟絕復甦姑哭子失明羅晝夜祈禱始復明良樹旋病故撫姪良植爲嗣家貧紡績恬如也卒年五十五蕭永受妻馬氏年二十五生子甫三月夫亡絕粒數日孀姑余氏泣諭忍死完操孫曾繞膝卒年七十九

太學生蕭鎮光繼室馬氏年二十四夫故教育前妻子成立其二子煥煖俱列黌序守節三十餘年卒

太學生蕭詔拔妻周氏生子錦立拔故年二十四殷勤課子列成均

蕭方儒妻夏氏年二十六夫故食貧矢志子受室生孫旣而

長沙縣志

卷之二十七

列女一

七

子故媳故孫故孫媳故氏白髮飄蕭兩曾孫元孫相依膝下尹應貴妻彭氏

庠生姚炎妻周氏年二十四夫故無子夫兄弟俱獨子歷十五年朝夕依姑側迨撫嗣氏猝病不起年三十九歲

姚國榜妻王氏年二十八夫亡無子撫姪正育爲嗣孫曾繁衍

姚長生妻蔣氏年二十三守節

姚開道妻王氏年二十三而寡家貧無子矢志不二撫姪其昌爲嗣紡績營家門庭清肅

姚其瑞妻蔣氏年二十五夫故守節孝於舅姑勤於操作遺一子夭亡撫姪元或爲嗣

汪施寬妻周氏年二十五生子錫贊夫故氏孝事翁姑躬勤紡績守節三十餘年

毛祖典妻陳氏年二十夫病有遺腹囑之曰若生男尚可守既而夫歿生女氏守節撫姪之發爲嗣

按毛祖典字慎五舊志載字而不載名撫姪名之發舊志

遺載之字今補正之

此亦舊志原文

庠生毛飛楓妻黃氏年二十五夫卒遺二子氏含哀鞠育未幾長子又夭家甚貧茹苦二十餘年課次子玠成立

毛仲林妻湯氏年十九夫故無子撫姪萬鍾承祀事翁姑克致孝養清操凜然

毛公尙妻陳氏年二十夫歿遺孤甫一歲氏體夫志承歡堂

長沙縣志

卷之二十七

列女一

三

上教子義方慈嚴并著閭里稱之

廩生毛之煜妻柳氏生一子夫故氏年二十八事繼姑致孝崇節儉家益饒卒年六十八

毛之熙妻張氏生子二年二十五熙故事姑惟謹教子以嚴次國壽入邑庠卒年七十六

庠生毛飛苓妻劉氏年二十九而寡一子豈并三齡教以義方長遊泮初劉之適毛也翁士澤秉鐸綏甯姑隨任翁歿姑

歸奉養四十餘年無違卒年九十歲舉人毛寅妻沈氏年二十四寅故甘淡泊勤紡績奉養舅姑

葬祭皆如禮妯娌早逝撫兩孤姪如子其子遠出與兩姪相依爲命

毛國錦妻張氏二十五歲守節

毛之濱妻周氏生子達三年二十六濱故矢志守節卒年六十歲

戴子質妻陳氏年二十夫故事姑孝撫二子成立相繼夭折氏愴痛垂絕復念祖祀就湮忍母死爰建祠宇捐祭田修祖墓勒石碑以垂不朽乾隆元年題請建坊

戴兆寅妻陳氏年二十五寅歿教子士琳列邑庠

談士超妻熊氏年二十八而寡無子撫姪承祧年六十卒

宋桓楷妻黃氏年二十二桓楷故矢志靡他遺孤昌祺娶媳鄧氏未生子而祺卒黃率鄧撫同宗姪孫承祧乾隆五十四年題請建坊

長沙縣志

卷之二十七

列女一

三

宋光遙妻王氏生二子不育年二十五夫故母憐其少心憫之王伏地大哭曰夫病革時囑我善事舅姑今誓以夫事爲身事乃撫姪明保爲嗣甫成立而卒遺孫二王與媳胡氏孤燈課讀胡氏二十六歲守節卒年六十六

宋宏綸妻談氏年二十五夫故遺孤恆一甫數齡先是氏姑柳氏無子撫姪子宏綸爲嗣操作辛苦氏于歸以勤儉佐姑里故有新橋柳氏所建也教子恆一孫昌祐列成均卒年八十一歲

熊夢彥妻孔氏年十五生子夫卒或勸改適自斷其手示之子復天氏晝夜哀號逾年卒

熊夢昌妻陳氏

熊祖妻黃氏

熊鳴滑妻劉氏

熊承濤妻屈氏年二十二濤故遺腹生一子事翁盡婦道居家甘淡泊鄉里稱之

熊光文舊志作光斌妻彭氏年二十于歸越三年夫故遺一子華

朝甫壯又故彭率媳撫育三孫教之成立卒年七十九咸豐元年題請建坊同治元年

馳贈太宜人次孫少牧曾孫元曜相繼舉於鄉

熊承燠妻賀氏二十四歲守節卒年六十有六

熊光昆妻陳氏生子華清年二十六而寡撫孤兒持家政辛苦備嘗

長沙縣志

卷之二十七

列女一

甲

熊光桂妻鄧氏年二十三而寡遺腹生子華蓋氏侍翁姑盡禮撫孤子教之成立

舒從龍妻龔氏年二十三從龍病知不起以龔年少子稚囑令改醮龔咬指泣誓及從龍歿卒不二節姑劉早逝事繼姑高曲得其歡心乾隆二十一年題請建坊

舒卜周妻伍氏年二十五守節卒年七十

舒正國妻白氏正國出兵金川陣亡時氏年二十六歲家徒壁立苦志矢節奉姑葬祭如禮子紹徽紹純紹緒教之以正卒年六十三

屈而赴妻易氏年二十六夫卒遺孤世湔三歲世泌一歲嘗日得二子成名死亦瞑目泌早夭湔入國學易痛泌過哀遂

患目眚夫弟而坦亦早卒妻閻氏拔貢生閻世亨女也年二十九撫姪世策承祀辛苦備嘗數十年凜如也時稱爲妯娌雙節貞出一門

屈越千妻周氏年二十夫喪子良珮甫三歲有勸改適者氏曰烈女不更二夫茹荼紡績孝事祖姑翁姑并終餘年

屈而煌妻黃氏年二十五夫故姑張氏孀居氏孝事之姑歿盡哀成禮服闋日慘哭如初每生辰忌日潔具敬奠教訓二子俱入庠有佃戶藍某家貧鬻妻氏除蠲租外另給銀兩令其毀券後生子林立世感其德

屈而越妻張氏年十七適屈翁姑早逝妯娌分居夫故時氏年二十六誓死靡他撫二子訓誡曰願爾無改父志苟不自

長沙縣志

卷之二十七

列女一

望

立我雖生猶死也其子醇謹質樸人推爲母教所致郭一齋贈以匾額云荻教流光

屈世顯妻吳氏年二十八而寡翁繼歿祖姑年八十餘姑年逾六十奉養維謹喪葬盡禮二子俱列成均諸孫林立卒年七十四

庠生董正位妻徐氏年二十七夫故子際升僅一齡孝事翁姑教子成立

庠生梁振箕妻黃氏性貞靜年二十九夫歿長子九齡幼子僅五月氏教養之俱列宮牆事姑蘇氏二十三年愛敬備至上修婦道下篤母儀

梁彩章妻柳氏年二十二章故絕粒幾死姑以子甫三月泣

勸柳矢志以奉姑撫子爲己任家貧勤紡績事姑維謹教子以嚴每自食薄粥儲酒饌以奉師長易絲枲以供束修勉子士拔讀書貢明經乾隆二十一年題請建坊

梁玉堂妻陳氏堂歿陳年二十四奉姑葬祭無違禮生子二薄田五畝兩夫弟困乏陳讓之售不取貲夫弟歿攜弱姪同居旋夭陳哭之痛蓋天性醇篤如此

杜世超妻李氏

杜文選妻李氏二十二歲夫故遺子盛懿甫四月家貧織紉資薪米奉姑終餘年爲子教讀婚配卒年五十六歲

藍茂妻歐氏二十七歲生子本義甫三日夫卒誓死不二苦節操持

長沙縣志

卷之二十七

列女一

聖

郭華國妻楊氏年二十八而寡矢志守節孝奉孀姑撫教孤子生成入庠

林月丹妻劉氏年二十月丹卒遺子嘉訓僅一歲劉矢志守節敬事舅姑課子成立性慈好善待童婢無譴訶遇里中孤貧死喪給衣服施棺衾乾隆三十七年題請建坊

林之翱妻周氏年二十歲翱故無子撫姪大武承祀事姑孝教子嚴武又乏嗣周以所守夫分祖屋作宗祠田二石作祭田貞節好義乾隆四十七年題請建坊

林應元妻歐氏年二十四元卒時翁姑已歿祖翁姑俱七旬餘歐奉養不缺撫孤子恩勤備至卒年七十五

林芹武妻孫氏夫故年十八無子矢志靡他越十五年撫姪

世序承祀

林敬敷妻楊氏生一子年二十三而寡堅貞自誓教子有方
鍾家周妻周氏夫故年二十九無子撫姪邦晟為嗣夫弟家
典故妻袁氏年二十四無子撫姪建邦為嗣妯娌砥節辛苦
持家教子慈嚴兼盡遠邇稱之

徐萬綸妻盧氏年十九夫故事姑孝喪葬盡禮貧居自甘教
子載道成立

徐子萬通志府志作徐永年妻羅氏夫歿無子守志三十一載撫姪為
嗣卒年五十二

徐寶堅妻杜氏名秀林邑明經文斗姊性婉淑嫻大義年二
十三適寶堅二載舉一子未及晬而寶堅卒秀林辛勤事育

長沙縣志

卷之二十七

列女一

三

甫十年而子天翁亦謝世奉老姑依母家侍養維謹喪葬盡
禮并承父母歡越二十寒暑不懈後病作以徐氏不祀為憾

伏枕哀泣斗許以得第三子當令繼徐祧乃瞑目時年六十

二 吳門韓桂齡對屏藩南楚為賦七古一章云生難生兮死
難死三十七年憂患始嬰倪抱向失耶時不信其姜竟無
子一輪涼月當窗結照見衰姑鬢如雪賴有儂家詠絮庭相
依同把寒冰鬪離誰為卜重泉阿連風義真堪尚輿機度置瀧
難棲比翼此離誰為卜重泉阿連風義真堪尚輿機度置瀧
岡上分取湘江連理枝念家山曲還酬唱牢之膝下誇雙驥
願把三男作無忌天意終憐骨肉恩錦綉真繡徐陵字我瞻
遺略思茫茫律紙聊題墨數行寄語當前採風者好修綽楔
發幽光斗徵詩甚夥不具錄

按寶堅江蘇儀徵人原任巴陵令徐錦之孫流寓湖南因杜氏母家係長沙人故舊志錄之

徐瑞組妻李氏夫故李年二十七翁姑在堂遺孤二稚弱氏
菽水承歡翁姑享大年課子成立卒年六十八

徐宏甲妻高氏年二十七而寡禮事舅姑耕讀訓子卒年五十六歲

駱九川妻羅氏年二十九夫故遺一子誓守空帷針傭過活太學生高開宏妻劉氏生二子年二十九夫卒次子早夭長子甫完婚夫婦相繼亡僅遺一孫女氏清操苦節始終不渝撫姪孫相盛承祀

高盛前妻鄒氏年十七夫故遺子繼殤撫姪光椿以續夫祀高鱗玉妻丁氏二十歲守節

蔡澤渠妻饒氏年二十七夫故無子撫夫兄子定基承祀奉養翁姑曲盡婦道

蔡宗燾妻雍氏年二十四守節

長沙縣志

卷之二十七

列女一

四

蔡承達妻周氏

胡元長妻何氏年十九夫卒家極貧與孤子瑩瑩相依歷四十餘年其勤苦有人所不堪者

胡仙桃妻王氏年十九夫沒遺腹生一子赤貧如洗度日如年舅姑微諷改適氏號泣不已苦志堅守歷三十餘年如一日

庠生胡文穎妻蕭氏年二十五夫故依姑爲命姑卒停柩西室所居近河山水暴漲眾皆走避獨奔柩所號泣不去時戶外水深二尺餘至戶而止不及柩所人咸異之教子應舉成名

胡之連妻任氏年二十七夫沒遺子中立甫六月家貧無託

惟一老婢相依斷髮毀容誓死守節紡績以供衣食教子讀書苦節四十七年

胡芳鼇妻甘氏年二十九守節無子撫姪大楷爲嗣

胡芳第妻陳氏年二十四而寡食貧矢節旣兩子受室長祝年二十而夭媳談氏年十九歲姑媳相依訓子成善貢成均人稱一門雙節陳卒年五十九

胡其道妻史氏生二子學達學魁年二十五夫故安貧勵節卒年六十歲

胡洪範妻羅氏年二十三夫故守節

萬鎮妻裴氏年十九鎮故遺腹生子應陞奉舅姑勤謹撫孤成立乾隆二十一年呈請載入通志裴守節五十三年其侍

長沙縣志

卷之二十七

列女一

畧

女年二十七而孀感裴苦節卒完其操

丁祚棠妻李氏生二子年二十九夫故氏清操自矢奉姑以孝聞長子宏曉舉於鄉嘉慶十八年題請建坊於新康都又一甲沱市後街

鄧繼尙妻劉氏年二十三尙故遺腹生子藐孤相依教養彌篤孫曾蕃衍卒年八十四

鄧仕榮妻劉氏年二十三而寡撫長房子金雋爲嗣勤紡績養舅姑卒年七十九歲

鄧志溢妻黎氏年二十六夫故守節

庠生左夢弼妻周氏年二十八弼故事姑孝教子嚴孫本選以明經任麻陽訓導本綉列邑庠置大賢都黎甲衝田

三石儲租獎後裔獲雋者卒年七十八

左培遠妻蔣氏年二十二遠沒遺腹生子世楨教之成立嘉慶二十一年題請建坊

左本卓妻任氏年二十三守節

石敏遠妻榮氏年十九夫沒僅生一女亦早死撫夫兄次子爲嗣氏性貞潔少言笑幼承父訓通孝經列女傳諸書清操凜凜三十七年

石岐山妻王氏年十八歸石二十夫卒遺一子年二十復天撫諸孫以女工佐家計苦節六十餘年壽八十五

程志阜妻劉氏年二十八守節

侯天培妻劉氏生一子氏年二十五夫亡矢志撫孤有勸其

長沙縣志

卷之二十七

列女一

巽

他適者力拒之後十六年子復亡撫姪燦爲嗣乾隆六年題請建坊

侯國甯妻李氏歸侯甫百有八日夫卒誓不二夫奉養翁姑克盡婦道乾隆五十五年題請建坊

侯浚基妻馮氏年二十四夫故誓以身殉以姑救不死訓子添晉列成均

太學生侯漢基妻黃氏二十五歲守節

甘士俊妻李氏早寡家貧敬養舅姑撫子成立康熙五十一年題請建坊

庠生劉宗唐妻柳氏年二十四夫故子穉翁復去世氏奉姑勤紡績嚴課子孫皆入庠後姑老病癱氏奉藥禮神求以身

代兵靖後招族中流亡分產安集康熙四十八年題請建坊
庠生劉正員妻姚氏年二十四夫亡矢志不二時翁姑俱七
十餘奉養備至沒後喪葬盡禮治家嚴而有法一子天章教
之成名諸孫工詢輩皆遵其教逮下以仁周急樂施善行尤
多卒年六十四

劉正矩妻陳氏生三子年二十七夫亡家道極貧苦志自守
撫子成立卒年八十九

劉文煥妻鄧氏年二十七夫故遺腹一子居貧矢志清操自
勵訓子成立

劉方治妻陳氏邑庠生陳宗潢女幽靜寡言適劉生二子年
二十七夫故未週歲兩子相繼殤氏死而復蘇撫姪爲嗣年

長沙縣志

卷之二十七

列女一

七

二十又天氏傷痛遂寢疾不起卒年五十二宗族擇姪大受
主其祀

太學生劉錡妻彭氏生子大任年二十九夫沒治家有法持
翁姑暨夫三喪皆能盡禮卒年五十三

劉榮韜妻歐陽氏

庠生劉之謨妻林氏年二十四謨亡遺子楷甫三歲姑向氏
年逾七旬林甘旨承歡姑沒哀毀盡禮教子成立旋又亡孫
尙黃口氏鞠之苦節撐持乾隆十三年題請建坊卒年八十
九

劉大猷妻梁氏年二十二猷病願以身代號慟欲絕猷張目
語曰汝性激烈不難一死但上有雙親下有弱子汝能肩此

兩大任愈於死矣梁矢不負後引刀斷食指以靖浮言乾隆五十年題請建坊

劉正桂妻陳氏年二十四夫故敬事孀姑教子成立苦節終身年八十六卒乾隆五十四年題請建坊

庠生劉恩妻王氏年二十二恩病卒遺腹生女殤撫夫弟子承祀乾隆五十一年題請建坊

劉知嵩妻盧氏年二十而寡無子撫姪承祀苦節終身卒年五十八歲嘉慶三年題請建坊

劉治朝妻熊氏年十九生子櫬治朝故祖姑及姑俱老熊忍死侍奉喪葬盡禮教子兼慈嚴孫曾繞膝嘉慶六年題請建坊萬壽橋泐潭寺前

長沙縣志

卷之二十七

列女一

哭

劉若珩繼室胡氏子紹曾氏年二十三珩卒事翁姑生養死葬以禮課訓紹曾弱冠入泮

劉宏讓妻湯氏生二子年二十六宏讓病革咬指甲授湯曰以此盟心孝養雙親教育兩兒他日泉下好相見也湯涕泣受命終始不渝臨沒取遺甲命其子納棺中曰以報爾父於地下言畢而逝年八十有四

劉工舞妻楊氏生子亮冕年二十七而寡奉翁姑克盡婦道冕誦讀少懈楊涕泣導之娶媳范氏未生子而冕沒楊以范青年難守試之范剪髮泣誓曰背夫非婦離姑非媳請撫堂姪勳和承祧恩勤課讀一如姑教洵爲一門雙節

太學生劉暉潮妻王氏子甫一齡夫沒王年二十奉姑鞠子

孝慈并至勤儉操作卒年八十三

劉賓王妻陳氏年二十陳贅賓王於家越一年而寡遺腹生一子忍死守孤迎姑奉養課子不稍姑息

劉正職妻周氏職沒年二十七事舅姑以孝教二子成立佃民遇火焚免其逋租有某攜妻子鬻其家旋斃周憫其孤寡給資還券遺之卒年六十四

劉亮騏妻周氏年二十二騏故遺一子矢志守節卒年六十二

劉天潤妻陳氏年二十三夫故遺腹生子工權家貧紡績奉親訓子與孤姪俱成立權英年入泮夫婦先亡更撫育諸孫備嘗艱楚年八十卒

長沙縣志

卷之二十七

列女一

巽

劉工治妻任氏年二十六治故無子撫姪爲嗣卒年六十七劉添石妻任氏年二十四而寡敬事舅姑姑沒奉繼姑如其姑訓孤成立卒年六十五

劉其達妻李氏生二子達故氏年二十六食貧守志

劉衍代妻胡氏年二十九夫故苦節食貧子未三十卒無孫依婿以居卒年六十五

劉大任妻楊氏年二十四夫故無子撫二子承祧長子天僅遺二孫媳袁氏亦矢志守節次子列成均楊年六十二卒

劉工濬繼室李氏年二十三而寡撫前妻子亮典如已出教之列成均卒年七十五

劉工注妻陳氏年二十二注故遺腹生子亮英娶媳陳氏年

二十八未生子而英天撫姪孫勳蔭承祧姑媳相依姑年七十一卒媳年七十三卒

劉添昆妻鄧氏年二十四守節卒年七十歲

劉亮階妻劉氏年二十一守節卒年四十九

劉工璠妻舒氏年二十四守節

劉徑珠妻楊氏年十七而寡矢志柏舟冰霜自勵卒年六十七歲

劉勝雯妻畱氏生子之鐸六齡之鎮纔四月雯故氏年二十九事翁姑撫二子卒年七十四夫兄勝昌妻畱氏年二十一昌沒子之錄甫三月竭力鞠養卒年九十三之錄之沒也妻張氏年二十九子尙芸纔一歲張氏茹苦含辛以長以教卒

長沙縣志

卷之二十七

列女一

五

年七十三人稱一門冰雪兩代松筠云

劉世瓊繼室陳氏年二十六而寡以禮事姑以勤勸子守節二十二年卒

葉永松妻李氏生一子甫四歲夫沒氏年二十二歲守節撫孤克成立焉

黎善學妻徐氏年二十九夫沒僅生二女撫姪慶成爲嗣

譚逢知妻程氏知故程年二十二遺子顯聲訓誨成立娶媳黃氏年二十三顯聲復故無子撫孫達後承祧姑媳相依一門雙節乾隆五十九年題請合建石坊程氏年九十餘五代同堂

譚尙律妻蘇氏生一子夫沒蘇年二十三食貧矢節勤紡績

奉翁姑甘旨卒年七十五

太學生譚逢朝妻易氏舉三子年二十六夫沒教子入邑庠性勤儉樂佈施孫曾繞膝人以爲苦節之報

譚達杞妻金氏年二十六杞沒姑孀子幼事育備至子列成均孫入泮卒年七十

譚文聰妻易氏年二十九聰沒茹檠飲冰教子成立卒年七十二

譚忠儒妻余氏年二十一夫故遺腹生子蘭森事翁與繼姑盡禮

柴赤庸妻閔氏年二十七夫卒二子長三歲次甫一月茹荼自甘事繼姑王氏曲盡孝道年五十六卒

長沙縣志

卷之二十七

列女一

至

閻洪淵妻周氏生子三淵沒時周年二十五矢志苦節教子讀書成立

廩生閻昱妻李氏年二十八夫故事舅姑生養葬祭無違禮課子有綬列優庠卒年六十七

向志周妻陳氏年二十六而寡家貧窘紡績訓子有勸以改醮者泣曰吾甯餓死不忍爲此守節二十九年卒

易禮尊妻陳氏年十九生子二歲夫歿時姑亦歿遺小叔方三齡氏攜與己子同舖之翁促之嫁氏哀號以死自誓翁知不可奪乃分產數畝與另居氏夜則篝燈紡績晝則灌園拾薪以供炊爨拮据卒瘞三十餘年家道漸裕置產數百畝均分於叔知縣王世經賜匾旌之曰節比松筠

易汝鑑妻任氏年二十五夫故氏撫教二子貞潔自守能體夫志常分餘以贍鄰里貸不能償者還其券子易緒易經俱列宮牆年六十七卒

易仕銳妻陳氏年二十六夫故子文藝甫四齡氏節堅心苦婦兼子職母兼父道并白親操紡績弗輟子亡氏教孫芳瀚入邑庠曾孫潤騏登賢書卒年八十有二

易芳監妻徐氏二十八歲夫故無子待繼二十二年始撫姪潤紱爲嗣孝舅姑和妯娌清操刻苦持身如玉

易文璋妻徐氏年二十舉一子未十月而夫亡孝事翁姑喪葬盡禮教子成立

易士仁妻黃氏年二十五夫故守節事舅姑撫幼子成立

長沙縣志

卷之二十七

列女一

五

廖士甲妻周氏二十四歲夫卒事繼姑陶奉養不衰撫二子教讀婚配不幸相繼亡遺一孫女迭遭慘變瑩瑩苦節撫姪世義爲嗣

廖世本妻劉氏童養於廖慧美賢孝世本少劉三歲劉年十七未成禮而世本故哀毀如禮富室某擬以重金聘劉聞不欲生翁仕麟乃命劉以姪爲嗣劉撫如己出家貧舅姑相繼歿夫兄弟析居窟益甚紡績以給淡食菜羹而飽其子子長習勞苦家獲小裕云

文盛出妻余氏年二十二盛故教二子成立卒年六十歲文冠賢妻余氏年二十二夫故無子撫姪天相爲嗣卒年五十一歲

庠生歐世興妻柳氏年二十五夫歿奉姑無缺教兩子成立
卒年六十三

歐道性妻杜氏二十四歲守節

庠生師元亨妻蔣氏年二十五夫喪子開旭甫三歲氏堅冰
操成家業端莊幽靜堪式巾幗

師元瀄妻杜氏年二十三瀄故親黨勸其改嫁杜撫膺大哭
曰我縱不能以死殉夫豈肯蹈此禽獸之行況有二子乎苦
節二十七年乾隆二十五年題請建坊

副榜師道醇妻朱氏夫家故貧朱勸醇力學翁宦通州夫往
省入宛平學己亥中北闈副榜客江右病卒時朱年二十七
聞訃幾痛絕葬祭如禮有勸其改醮者毀容拒之茹荼若飴

長沙縣志

卷之二十七

列女一

三

無子撫姪盛東爲嗣

師卓吾妻文氏年二十一生子彌月而寡翁姑年皆六十餘
文孝養盡職葬祭盡禮子亦成立

饒先培妻吳氏培歿吳年二十八矢志守節事翁及繼姑盡
禮訓子鈞貢成均孫入邑庠卒年七十有二乾隆五十一年
題請建坊

饒宗海妻楊氏年二十七海故楊絕粒不食姑泣勸得不死
子一豫列成均一鼎入縣庠卒年七十二

饒賢銳妻陳氏年二十夫故無子撫姪開泮爲嗣列成均嘉
慶十七年題請建坊

尙仲昌妻陳氏年二十一夫卒撫孤子達山婚配成立甫二

十四又天媳王氏遺腹生一子姑媳相依紡績自給其撫孤孫至十六歲又天陳於是日創痛死媳亦繼沒里人憐之粟正賢妻林氏性恬靜年二十七夫故遺一子備歷艱辛守志不二

粟楚佩妻徐氏年二十六而寡遺子一歲零丁孤苦撫摩教養節操不衰

按徐氏舊志載粟楚佩妻府志載粟允珩妻年歲事實同

疑允珩其名楚佩卽其字耳

此亦舊志原文

粟允贊妻王氏年二十八夫故遺子女俱幼家貧紡績教養成立茹苦終身卒年六十五

號文梓妻程氏梓故程年二十歲守節三十九年卒年五十

長沙縣志

卷之二十七

列女一

蓄

八乾隆五十九年題請建坊次子光普早卒媳彭氏二十九歲守節卒年七十二道光二十年題請建坊

涂復一妻秦氏年二十夫故守節四十一年卒年六十一子南英之妻袁氏年二十三英又卒守節二十八年兩世冰操

涂開裔妻陳氏

涂定一妻王氏生一子夫故家貧燃薪紡績孝養舅姑改卜佳城爲夫塋墓就墓旁築室課孤子讀書督諸孫力作

涂定光妻龍氏年十七而寡一女天龍矢志孀居撫堂姪朝林承祧

通判慕若琦妻王氏定字孫女性孝甘貧善事舅姑遭兵亂舅姑病琦供湯藥王爲洗滌穢濁月餘衣不解帶姑臨終祝

曰吾兒有此賢婦天必佑之

以下孝婦

太學生廖國選妻何氏事舅姑以孝聞封君小塘公及王孺人在堂氏敬養兩尊人備極勤篤兩尊人俱登九旬承歡如一日閩里稱之南陽彭禹峯同郡郭天門爲之記

按通志載何氏明時人考國選兄國遴值甲申之變以憂憤卒後十三年小塘及王孺人始卒故舊志載何氏孝敬尊人而不列之前明今仍之

楊貞女字雲南霑益州守備戴君甫次子文迪未嫁而迪故父復許字王天寶之子某女誓不他適後天寶訟於官女摹結矢志截髮貯庫乃聽守貞紡績自給逢迪生忌日設奠遙祭痛哭歷四十四年卒乾隆二十四年題請建坊

以下貞女

長沙縣志

卷之二十七

列女一

五

金貞女邑庠生鳴世女善化楊經點聘妻也未婚而楊歿時女年十五聞訃哀號請於父母曰兒願歸楊不則溝瀆鬼耳父母勸慰女剪髮自誓麻衣往奠夫靈服衰三年孝養舅姑撫子承祧一日比鄰火殃及女家女急扶衰病舅出冒火入抱幼子獲無恙夫女之守義猶士之礪行昔范蔚宗以士德二三有能爲岸異蘄絕之行作獨行傳褒之以振激頹風女也士行何獨不然若金女之守夫靈事舅姑立後嗣奇而且法實天地正氣所鍾抑亦感發於風教之移易者甚深遠也今旣重其孝義之克全且憫其阨窮無告爲作金貞女傳紀實也綴書楊經點聘妻成女志也至於綽楔以表列祠以奉姑徐以俟諸他日

此舊志原文道光二十年彙建總坊金貞女已蒙旌表

舒貞女幼字吳士瞻爲妻士瞻貧不能娶舒父母逼令退婚女悲號自盡士瞻感之終身不娶貞女義士真可敬也

周兆農妻王氏慧而美年及笄歸周周故貧乾隆乙卯十二月六日兆農入山樵會大風拔木中傷斃婦痛絕姑哭呼曰兒忘而夫一綫耶復甦旣葬其夫朝夕跪奠伺姑眠食外輒自屏一室有終焉之志未半月舉一子明年春母遣某候視憫其苦語之曰若才貌豈長貧賤者奚戚爲婦色陡變某悔言失趨而去日暝焚香拜夫靈不言亦不泣頃之歛容拜姑曰兒不孝敢以呱呱語未竟大慟姑惶懼夜就婦所寢稍寐聞有聲疾呼家人踰戶入火之見婦繫頸牀頭右手握拳爪陷入掌左手若指牀上兒者衣履修整顏色如生云烈婦死

長沙縣志

卷之二十七

列女一

妾

以嘉慶丙辰正月晦日年十有九

以下烈婦

王繇菁妻彭氏年二十八無子夫與鄰人口角彭出勸解鄰穢語污辱羞忿投繯其鄰按律問擬嘉慶五年題請建坊章琴湖妻袁氏年二十三夫故翁姑相繼歿家貧無子女其母以言試之氏伏地嚙土誓死靡他旋夫族有謀奪其志者氏懼不免乃沐浴整衣履密縫無隙哭拜夫墳歸卽閉戶自經死蓋不欲假他人手殞殮污其體也其從容就義如此姚基舉妻余氏年及笄適姚姑沒翁老孝敬兼致基舉就外傳余在家強暴拒守被毆殞命聞於官強暴論如律嘉慶六年具題建坊於父母之間設牌節孝祠

熊光思妻馬氏素嫻禮義遇強暴拉姦不從被毆身死聞於

官強暴論如律嘉慶三年具題建坊於母氏之墟

江慶潢妻黃氏幼名歸妹諸生賢道之女五歲失母祖母憐而鞠焉年十四適慶潢二十舉子不育慶潢死絕食四日誓必死姑大窘慟哭仆地氏急起持之姑徐甦小姑奉羹湯進姑曰必若嫂食即食不然必就死矣何食為氏度不可以殉夫故累姑忍啜之然每對食案輒喀喀欲吐曰吾不死焉攸用吾姑命小姑坐臥伺之則又解曰吾事尚未畢何遽可死也未幾祖母餘年終小姑既嫁比三年除夫服俱克如禮乃歸甯其父五閱月而返九月十六日慶潢生辰也前一日藝瓣香告天以次及祖廟竈神即預治厨饌為祭具明日獨呼小婢隨至慶潢墓且奠且哭奠既畢給婢至里舍求杯水自

長沙縣志

卷之二十七

列女一

七

潤還出袖刀刺喉不可入捻石撞之尸面墓僵立不仆婢返猶舉杯水進熟視之然後驚走啼呼也比昇歸復甦口屬衣篋中物乃絕發之得白縑一方書三百六十字明三年不速死之故與推分貲財處甚曲至末大書天清地白四字當是時平江江烈婦名聞湖南北慶潢係平江人邑宰宋君致祭奠將申之大吏請旌初烈婦之就刎也衣裾漬血無多耳及合葬之慶潢墓鑿土則一縷血痕直下注至四尺餘土色猶炳如丹

渥也太史余廷燦為之傳今節錄之

同時黃孝伊道田作絕命詞五首序與余太史

傳多不合并錄之詳略可互參也節孝江黃氏邑文學黃建中女也適平江江氏一年而夫歿又三年死節友人梁君與節孝為中表為子言其事甚悉云節孝持三年喪銜哀擗要小刃自殺墓左婢驚奔告舅姑親視大駭曰是累我節孝垂絕忽大呼曰妾手書在勿累舅姑也後發篋得帛書其

略曰為子婦要盡烈義所不速死者夫死婦繼恐傷姑一也
 幼依祖母撫養待終餘年二也小姑夫胞妹三年同寢處待
 姑嫁三也今祖母終小姑嫁吾事畢矣屬語舅姑勿憂也嗚
 呼是可謂從容就義於節孝兩無憾矣予推本其手書之意
 作絕命詞五章俾里巷傳之以為感發興起之自且使後之
 採風者得所考也時乾隆甲申仲冬二日長沙黃孝伊道田
 氏書於醉白堂其詞曰兒欲從夫子兮下黃泉上有白頭之
 老母兮涕漣漣黃泉有路兮不見兮當一日而九死
 姑欲死兒心惻黃泉有路兮不我能即兒欲從夫子兮下
 黃泉上有白頭之祖慈兮桑榆暮年哀慈母之見背兮兒纔
 齟齬勞祖母之鞠養兮辛勤難比嗟黃鵠之早寡兮摧人心
 髓心髓摧日西頽黃泉有路兮首重回兒欲從夫子兮下
 黃泉室有笄年之小姑伴我孤眠想汝兄之精魂兮連珠淚
 落痛扶牀之小姑兮連枝并萼况孀幃之三載兮孤魂依託
 與姑訣絕兮恩情薄黃泉有路兮且斟酌悲風慘慘兮憶
 長沙薄言旋歸兮欲訴阿爺爺聞女歸兮三歎息痛孤鸞之
 不再雙兮淚沾臆地老天荒兮不知紀極哀哉祖父母既歿兮
 松柏成塋小姑亦嫁兮笑語誰迎西陵松柏兮夫子偕行與
 爺永訣兮盡此平生登堂拜別兮曾不敢告子以哀情井
 中有水兮不可瀾匣中有劍兮不可完姑舅為我長悲歎嗚
 呼姑舅為我長悲歎不如一朝訣絕兮割此心肝割心肝妾
 心寒冢中枯骨兮冷難安房中妾淚兮冷難乾速往從之兮

快團團快團團勿悲酸 鴻臚卿羅源浩題云結髮從君子
 同生誓同死哀號屬續痛一絕苦歷三年苦難說姑愛婦婦
 戀姑堂上強笑心躊躇血不到夫君家內羞見夫吁嗟乎平
 江野土腥風吹三寸荆軻鐵兩行絕命詞心肝可出九泉知
 行人見者皆涕洟皇天無親白日速湘水年年
 撼斑竹貞魂上訴星斗寒日暮陽臺豎鬼哭

林世顯妻袁氏太學生成延女年二十二其父贅世顯於室
 甫踰月世顯歸明年夏五顯過候袁居久之謂婦曰我不解
 何故每與汝對輒淚涔涔下此大惡耗將母彩雲不日散耶
 婦哽咽對曰君何出此不祥語如不幸誓從君地下七月朔
 顯歸中途墮水死婦聞大慟嘔血仆地移時方醒乃易縞素
 匍匐欲奔喪家人患其志烈且勸且阻勉畱焉日夜偵守不
 少懈越四日氏謂父母曰從夫死兒志也第不事舅姑夫又
 無嗣可若何言訖偃臥母室中夜潛起自縊有聲砰然父母

趨拯之則僵立牀下氣絕矣視牀頭斷繩乃引髮所結辮也
時嘉慶十年七月初八日年二十有三

龍光華妻楊氏住新康夫貧爲陶家傭以室圯壓死氏聞變
奔赴枕尸哀號向陶求棺斂葬指其子謂夫弟曰以是累叔
越數日檢出敝衣數事與叔質錢祭夫值夜大風雨氏解棉
衣覆二子潛出沿堤哀號投河死里人傷之網得其屍與夫
合葬大塘衝軍園

葉某妻胡氏夫早夭氏年未二十哀毀骨立越七日竟自刎
死

某姓名妻楊氏夫死守節養姑平江富民某以厚貲聘其家
強娶焉氏不從死之

長沙縣志

卷之二十七

列女一

五

自趙而怵妻汪氏以下至此皆見舊志及學宮志
其舊志未及錄而已載入學宮志者續增於後

庠生李光湘妻魏氏二十九歲夫故守節卒年八十一歲子
大綬妻易氏二十九歲夫故守節卒年七十三歲孫文起妻
侯氏二十五歲夫故守節卒年七十一歲曾孫漢章妻譚氏
十八歲夫故守節卒年六十歲一門四世苦節清操後先輝
映自古罕聞道光二十年 題請彙入總坊漢章之子昭蘭
援例入成均孫瑞呈入武庠

李立朝妻賀氏年十七生子春和甫六月夫故矢志守節撫
孤成立不幸春和年三十一而歿一孫名壽世十二歲殤氏
痛極死而復甦者再乃立從孫養元爲後氏寡言笑兢兢禮
法老而彌篤夫弟早析居卒時子僅九齡母子瑩獨氏令其

仍同居姪長而耗其資無愠色後復分居仍與均產人尤以爲難卒年七十有一

李榮陞妻馬氏二十九歲夫故守節卒年五十五

李明德妻陳氏二十三歲夫故守節卒年五十六

李若金妻周氏二十三歲夫故守節卒年八十三

李大性妻葉氏二十一歲夫故守節卒年四十七

李漢雲妻談氏三十歲夫故守節卒年五十四

李大燮妻程氏十九歲夫故守節卒年七十一

李光嵐妻常氏二十三歲夫故守節

李弈壽妻周氏二十七歲夫故守節

李松圃妻黃氏二十三歲夫故守節

長沙縣志

卷之二十七

列女一

李

李驂宇妻陳氏二十八歲夫故守節卒年八十一歲

李文英妻丁氏二十九歲夫故守節現年八十七歲

李維學妻鄧氏二十三歲夫故守節卒年五十六歲

李昌鵬妻黃氏年十八于歸甫一月而夫歿舅姑年近五十

無次子羣從中無可繼者氏矢志守節盡孝養耐勤苦常焚

香祝姑生子以延似續踰年姑果生男俟其成立娶婦連舉

數子氏取其中子爲夫後見兩孫而卒時年六十有七

周樹楠妻黃氏二十二歲夫故守節卒年三十四

周孔成妻朱氏二十九歲夫故守節卒年六十歲

周倬雲妻李氏二十七歲夫故守節卒年七十三

周士元妻盧氏二十九歲夫故守節卒年七十四

周樑材妻楊氏二十五歲夫故守節

周立德妻黃氏二十八歲夫故守節

周時第妻屈氏二十八歲夫故守節

周渤英妻馬氏二十八歲夫故守節

周金珏妻李氏二十一歲夫故守節

周曜緯妻譚氏二十四歲夫故守節

周繼翔妻張氏二十六歲夫故守節

吳寶書妻郭氏二十八歲夫故守節卒年四十二

吳保元妻侯氏二十三歲夫故守節卒年三十三

王庭誨妻陳氏二十四歲夫故守節卒年五十三

王紹義妻龍氏二十八歲夫故守節卒年六十八

長沙縣志

卷之二十七

列女一

全

王士美妻彭氏二十八歲夫故守節卒年四十七

王猷訃妻徐氏二十七歲夫故守節

王鳳藻妻劉氏三十歲夫故守節

王相妻毛氏二十歲夫故守節

王縣正字明高妻李氏二十三歲夫故守節現年八十七歲

五代同堂

陳大才繼室譚氏于歸年餘夫故遺腹生子明決矢志冰操

娶婦解氏生子廷元甫三月明決卒解亦矢志守節姑婦同

心後先輝映訓子有方性貞靜寡笑言甘澹泊勤紡績譚氏

二十一歲守節卒年六十有九解氏二十七歲守節卒年六

十有七道光二十年題請入總坊迄今五世書香繼續遊於

庠者接踵焉

陳生春妻鄭氏二十三歲夫故守節撫姪爲嗣卒年九十有七

陳德瓚妻李氏二十六歲夫故守節卒年五十五

太學生陳石渠妻李氏二十六歲夫故守節

陳錫甫妻程氏二十四歲夫故守節

陳德蘭妻文氏二十八歲夫故守節

陳玉節妻李氏二十九歲夫故守節

蔣楚南妻宋氏二十四歲夫故守節卒年六十歲

沈宏梓妻常氏二十八歲夫故守節

沈見田妻曾氏十九歲夫故守節

長沙縣志

卷之二十七

列女一

奎

楊遠貴妻謝氏二十九歲夫故守節卒年六十歲

楊豐菴妻李氏十九歲夫故守節卒年三十三

楊枝綵妻陳氏二十三歲夫故守節卒年八十歲

楊雲軻妻任氏二十六歲夫故守節卒年九十三歲五代同

堂

楊先五妻何氏二十二歲夫故守節

楊厚赴妻鄭氏二十七歲夫故守節

朱建吉妻萬氏二十八歲夫故守節氏素得姑歡心夫歿後

侍姑側節哀以慰其姑背而泣血教子慈嚴兼至嘗曰幼而

失教長則習與性成若父在則責不專在我也卒年四十有

九曾孫陽光元孫錫成皆入邑庠

庠生朱桂山妻李氏二十九歲夫故守節哀毀盡禮有以守節至難之說告者氏曰守節非難上事舅姑下撫兒息能無愧於死者難也事姑孝謹教二子成立卒年八十有六

朱紫薰妻卞氏二十九歲夫故守節

秦鍾輝一名慎典妻馬氏二十五歲夫故遺子春霖一名春甫三歲

矢志守節事姑以孝聞娶媳蕭氏得三孫而春霖又卒氏率

孀媳撫三孫忠懋忠林忠桂一名鋪皆成立壽八十一歲道光

二十年題請入總坊同治八年以孫鋪州同職銜 馳贈

安人

何瓊瑤妻羅氏二十九歲夫故守節卒年七十二

何承烈妻楊氏二十四歲夫故守節

長沙縣志

卷之二十七

列女一

奎

張祈珩一名祈焮妻左氏二十七歲夫故守節卒年七十八

庠生張祈九妻魯氏二十三歲夫故守節卒年七十五

張俸書妻朱氏二十九歲夫故守節

張江濟妻韓氏十七歲夫故守節卒年七十七

張江源妻熊氏二十九歲夫故守節卒年六十有四著有松

筠閣詩集三卷子蔚東入邑庠

張光甲妻楊氏二十八歲夫故守節

曹炳洋妻陳氏二十九歲夫故守節卒年六十一

曹英華妻羅氏善邑進士原任江南淮海道羅琦之女年二

十于歸甫三月而夫卒氏慟哭死而復蘇矢志守節撫姪才

迪爲嗣勤紡績寡言笑孝於姑和於妯娌未嘗挾貴以驕其

夫家苦節三十餘年卒年五十有三

嚴太初妻何氏二十歲夫故守節卒年七十歲

金方與妻莊氏二十三歲夫故守節卒年五十歲

金友珪妻張氏二十七歲夫故守節

陶述岷妻周氏二十八歲夫故守節

姜宣佑妻王氏二十七歲夫故守節卒年四十一

謝純粹妻吳氏二十九歲夫故守節卒年六十四

章百幹妻尹氏二十六歲夫故守節

彭定文妻莫氏二十五歲夫故守節

任一舉妻劉氏二十八歲夫故守節卒年七十七

袁運中妻高氏二十一歲夫故守節卒年四十五

長沙縣志

卷之二十七

列女一

畜

袁洪仁妻易氏二十二歲夫故守節

袁英鑑妻奈氏二十九歲夫故守節卒年七十三

柳先謨妻張氏二十五歲夫故守節卒年四十歲

柳昌禧妻李氏二十九歲夫故守節卒年五十歲

柳先序妻吳氏二十八歲夫故守節卒年四十一

柳覲廷繼室周氏二十八歲夫故守節卒年四十六

柳正杰妻盛氏二十九歲夫故守節卒年四十二

庠生柳先邵妻陳氏二十一歲夫故守節卒年四十四

柳廷對妻游氏十八歲夫故守節卒年八十五

柳昌嗣妻劉氏二十五歲夫故守節卒年八十五

柳先陸妻石氏二十九歲夫故守節

柳廷瑀妻胡氏二十六歲夫故守節

柳振湘妻陳氏二十九歲夫故守節卒年七十五

唐脩玟妻王氏

羅士炳妻常氏二十八歲夫故守節卒年五十三

羅霽遠妻彭氏十八歲夫故守節卒年三十四

羅融鈺妻鄭氏二十六歲夫故守節

常廷僕妻王氏二十五歲夫故守節卒年三十八

常廷伯妻柳氏二十五歲夫故守節卒年四十一

常廷倫妻左氏二十一歲夫故守節卒年七十一

卞方柄妻許氏二十八歲夫故守節卒年八十歲

卞思魁妻周氏二十一歲夫故守節

長沙縣志

卷之二十七

列女一

奎

余上華妻宋氏十九歲夫故守節

黃子璋妻陳氏二十二歲夫故守節卒年六十三

蕭明泗妻彭氏二十七歲夫故守節卒年五十二

蕭靜軒妻朱氏二十五歲夫故守節卒年六十六

庠生汪開科妻彭氏二十二歲夫故守節善事舅姑教子成

立苦節五十餘年卒年七十有二

談發瑩妻鍾氏二十歲夫故守節子恆德甫三歲舅姑在堂

氏仰事俯畜竭盡心力性淑慎舉止端嚴慷慨好義嘗捐田

數畝作義冢山姻戚中有因貧將鬻妻者倡族人資助之卒

全其婚其憐貧恤困多類此卒年七十有六

宋昌煜妻王氏二十九歲夫故守節

熊華鶴妻李氏二十六歲夫故守節

屈楚望字瞻妻楊氏二十四歲夫故矢志守節諸子幼穉家

僅薄產負債累累來索甚急貸出之債原可抵銷而人莫肯償也氏變產了債而以貨出之券泣告於靈前曰諸孤成立奚恃此不成立此何為遂焚之餘貲少許勤苦操持孝養舅姑教子成立卒年八十有七長子澤煥太僕寺主簿次澤醇登賢書

屈楚銑妻金氏十九歲夫故守節

童盛寅妻毛氏二十五歲夫故慟不欲生或勸以舅姑在堂不可過哀乃忍自節抑侍奉慤懃舅姑沒哀毀盡禮苦節十九年卒年四十有四

長沙縣志

卷之二十七

列女一

七

童道楷妻廖氏二十一歲夫故家貧姑老子幼矢志守節衣食取給十指無怨言迨子成立又以疾亡自是日夜悲嘯含恨而沒時年五十有五

徐奏三妻楊氏二十二歲夫故守節卒年五十五

徐仲由妻李氏二十五歲夫故守節

徐禮賢妻胡氏二十四歲夫故守節

徐來賓妻毓氏二十一歲夫故守節

胡登科妻周氏三十歲夫故守節卒年七十九

胡靜亭妻王氏二十八歲夫故守節卒年六十四

胡恢緒妻張氏二十二歲夫故守節

萬汝凝妻裴氏

萬魁梧妻左氏二十二歲夫故守節卒年七十八

莫孝新妻劉氏二十六歲夫故守節卒年四十九

左培瑞妻周氏二十八歲夫故守節

左培篤妻吳氏二十五歲夫故守節

龔光賢妻盧氏二十八歲夫故守節

侯定武妻周氏二十歲夫故守節卒年六十二

劉正翔妻易氏二十四歲夫故守節卒年三十八

劉玉振妻蘇氏二十二歲夫故守節卒年七十一

劉添晉妻王氏二十四歲夫故守節卒年七十一

劉曾銓妻李氏二十八歲夫故守節卒年五十歲

劉宣達妻王氏二十四歲夫故守節卒年六十一

長沙縣志

卷之二十七

列女一

李

龍吳受春

原名恆升
字曜東

妻李氏二十七歲夫故守節有謀奪其

志者氏以死誓得止頻禦外侮撫孤成立性好施嘗捐穀活

嬰女三十餘人又捐田入

學宮

道光元年捐新康都五甲
地名桐子園民田二石歲

租十四石詳
見學宮志

先是氏翁朝海本吳姓出繼龍姓氏欲率孤歸

宗不可得道光庚子彙建總坊氏子盛斯請姓龍吳奏准入

坊卒年六十有一曾孫世杞入邑庠

譚楚彥妻周氏二十九歲夫故守節性寬慈嫻禮法長子次

子均殤僅遺幼子西獻甫六齡撫之成立孫曾疊起芹桂流

芳卒年七十有五以孫信變貴

贈孺人

閻澤妻屈氏二十六歲夫故守節

易添文妻莫氏十六歲夫故守節卒年八十歲

易士淙妻劉氏二十二歲夫故守節

易士政妻朱氏二十七歲夫故守節

易潤陞妻廖氏二十八歲夫故守節

易伯魁妻周氏二十一歲夫故守節

文希堯妻袁氏二十五歲夫故守節卒年九十歲

歐道合妻楊氏

曾振南妻黃氏二十二歲夫故子興俊甫三齡氏矢志堅貞

持躬淑慎勤儉治家義方訓子以孫瓚知州加級 賜封

恭人卒年六十有六

曾定波妻周氏二十九歲夫故守節善事舅姑克盡婦道教

其子振遠本淦樹猷皆能自樹立孫曾繁衍以振遠州同加

長沙縣志

卷之二十七

列女一

矣

級 封宜人現年八十二歲

孝女王氏名玫瑰王欽文女矢志不字終養父母卒年五十

歲

貞女鄭氏名存靜鄭尙乾女許字穆國棟未嫁而國棟故女

誓不再字矢志守貞道光二十年題請入總坊時年已七十

四歲尙存

朱振宇妻李氏年二十歲夫故守節 國初流寇未靖避兵

山中遇賊擄掠罵賊自刎時年四十二 以下烈婦 按李氏

及呈報故未 蒙 旌典

陳澧妻王氏年二十三歲夫故矢志守節服闋後有勸其改

適者忿極自盡

彭正臺一名卓南妻陳氏陳德醇女生而異香滿室長益貞淑歸

彭生子女各一正臺官福建松溪縣永和里縣丞甫到任以

病卒氏聞計大慟喪歸葬畢忽詣祖姑前拜且泣曰將從亡

人於地下祖姑大駭囑家人謹護之姑命其娣楊氏伴宿楊

與竟夕談倦而假寐忽聞牀前顛撲聲驚而寤見陳氏握刀

自刎未殊楊大呼家人畢集亟迎醫視曰咽破而未斷可治

也陳氏聞之突以指自抉其喉猛力斷之齒嚙几木木爲之

裂須臾血噴氣絕時年三十二歲邑人士莫不駭歎合詞上

達 旌表如例越九年楊氏亦以烈聞楊氏者正臺胞弟

玉明之妻也夫與人博負無賴子金一日博徒來家索博債

楊氏正色叱之博徒怒牽其臂楊泣曰吾臂豈可爲人辱耶

長沙縣志

卷之二十七

列女一

堯

忿而自縊惜當時未聞於官故 旌典不及然節烈萃於

一門殊可敬也

柳大誦妻章氏柳振湘之子婦也年二十五歲夫故一子旋

殤忿極自盡其姑陳氏既以節著章氏又以烈聞章氏固不

愧爲節婦之子婦也

右 國朝節孝貞烈婦女六百餘人皆於道光二十年彙建總坊惟朱振宇妻李氏彭玉明妻楊氏未蒙 旌表

故未入坊 又按舊志及學宮志有互異之處舊志載柳復極妻周氏

而無柳世曠學宮志載柳世曠妻周氏而無柳復極今查

實係一人二名已合併爲一條又舊志載萬鎮妻裴氏而

無萬汝凝學宮志載萬汝凝妻裴氏而無萬鎮似即一人

然無確據不得不兩存之又舊志載唐啟明妻陳氏媳王

氏皆係節婦而不載王氏夫名學宮志載唐脩玟妻王氏

與唐啟明妻陳氏連類書之似即陳氏之子婦然今未敢

刪併恐蹈武斷之愆 亦古人闕疑之意也